

# Agenda – Y Pwyllgor Deddfwriaeth, Cyfiawnder a'r Cyfansoddiad

---

|                                       |  |
|---------------------------------------|--|
| Lleoliad:                             | I gael rhagor o wybodaeth cysylltwch a:                            |
| Fideogynadledda drwy Zoom             | P Gareth Williams  |
| Dyddiad: Dydd Llun, 3 Gorffennaf 2023 | Clerc y Pwyllgor   |
| Amser: 13.30                          | 0300 200 6565  |
|                                       | <a href="mailto:SeneddDCC@senedd.cymru">SeneddDCC@senedd.cymru</a> |

---

## 1 Cyflwyniad, ymddiheuriadau, dirprwyon a datgan buddiannau (13.30)

## 2 Offerynnau sy'n cynnwys materion i gyflwyno adroddiad arnynt i'r Senedd o dan Reol Sefydlog 21.2 neu 21.3 (13.30 – 13.35)

### Offerynnau'r Weithdrefn Penderfyniad Gwneud Negyddol

#### 2.1 SL(6)365 – Rheoliadau Addysg (Cyllid Myfyrwyr) (Diwygiadau Amrywiol) (Rhif 2) (Cymru) 2023

(Tudalennau 1 – 2)

[Rheoliadau](#)

[Memorandwm Esboniadol](#)

Dogfennau atodol:

LJC(6)-21-23 – Papur 1 – Adroddiad drafft

Offerynnau'r Weithdrefn Penderfyniad Cadarnhaol

#### 2.2 SL(6)363 – Rheoliadau Gwastraff Pecynwaith (Casglu ac Adrodd am Ddata) (Cymru) 2023

(Tudalennau 3 – 9)

[Rheoliadau](#)

[Memorandwm Esboniadol](#)



**Dogfennau atodol:**

LJC(6)-21-23 – Papur 2 – Adroddiad drafft

LJC(6)-21-23 – Papur 3 – Llythyr gan y Gweinidog Newid Hinsawdd, 12 Mehefin 2023

**3 Offerynnau sy'n cynnwys materion i gyflwyno adroddiad arnynt i'r Senedd o dan Reol Sefydlog 21.2 neu 21.3 – trafodwyd yn flaenorol**

(13.35 – 13.40)

**4 Cytundeb Cysylltiadau Rhyngsefydliadol**

(13.40 – 13.50)

**4.1 Gohebiaeth gan y Gweinidog Newid Hinsawdd: Rheolau Trafnidiaeth a Gweithfeydd (Gweithdrefn Ceisiadau, Gwrthwynebiadau ac Ymchwiliadau) (Diwygio) (Cymru a Lloegr) 2023**

(Tudalennau 10 – 11)

**Dogfennau atodol:**

LJC(6)-21-23 – Papur 4 – Llythyr gan y Gweinidog Newid Hinsawdd, 26 Mehefin 2023

**4.2 Datganiad ysgrifenedig a gohebiaeth gan y Gweinidog Cyllid a Llywodraeth Lleol: Y Grŵp Rhyngweinidogol ar gyfer Tai, Cymunedau a Llywodraeth Leol**

(Tudalennau 12 – 15)

**Dogfennau atodol:**

LJC(6)-21-23 – Papur 5 – Llythyr gan y Gweinidog Cyllid a Llywodraeth Leol, 26 Mehefin 2023

LJC(6)-21-23 – Papur 6 – Datganiad ysgrifenedig gan y Gweinidog Cyllid a Llywodraeth Leol, 26 Mehefin 2023

**4.3 Gohebiaeth gan y Gweinidog Materion Gwledig a Gogledd Cymru, a'r Trefnydd: Rheoliadau Llygryddion Organig Parhaus (Diwygio) 2023**

(Tudalennau 16 – 17)

**Dogfennau atodol:**

LJC(6)-21-23 – Papur 7 – Llythyr gan y Gohebiaeth gan y Gweinidog Materion Gwledig a Gogledd Cymru, a'r Trefnydd, 28 Mehefin 2023

## **5 Papurau i'w nodi**

(13.50 – 14.00)

### **5.1 Gohebiaeth gan Bwyllgor yr Economi, Masnach a Materion Gwledig at Weinidog yr Economi: Craffu ar waith Gweinidogion**

(Tudalen 18)

#### **Dogfennau atodol:**

LJC(6)-21-23 – Papur 8 – Llythyr gan Bwyllgor yr Economi, Masnach a Materion Gwledig at Weinidog yr Economi, 26 Mehefin 2023

### **5.2 Gohebiaeth gan y Gweinidog Newid Hinsawdd: Rheoliadau Trwyddedu Amgylcheddol (Cymru a Lloegr) (Diwygio) 2023**

(Tudalen 19)

#### **Dogfennau atodol:**

LJC(6)-21-23 – Papur 9 – Llythyr gan y Gweinidog Newid Hinsawdd, 26 Mehefin 2023

### **5.3 Datganiad Ysgrifenedig gan y Cwnsler Cyffredinol a Gweinidog y Cyfansoddiad: Diweddarau deddfwriaeth Cymru**

(Tudalen 20)

#### **Dogfennau atodol:**

LJC(6)-21-23 – Papur 10 – Datganiad Ysgrifenedig gan y Cwnsler Cyffredinol a Gweinidog y Cyfansoddiad, 26 Mehefin 2023

### **5.4 Gohebiaeth gan y Gweinidog Newid Hinsawdd: Memorandwm Cydsyniad Deddfwriaethol Atodol (Memorandwm Rhif 3) ar y Bil Ffyniant Bro ac Adfywio**

(Tudalennau 21 – 23)

#### **Dogfennau atodol:**

LJC(6)-21-23 – Papur 11 – Gohebiaeth gan y Gweinidog Newid Hinsawdd: Memorandwm Cydsyniad Deddfwriaethol Atodol (Memorandwm Rhif 3) ar y Bil Ffyniant Bro ac Adfywio

**5.5 Gohebiaeth gan y Gweinidog Newid Hinsawdd at y Gweinidog Gwladol dros Dai a Chynllunio: Bil Rhentwyr (Diwygio)**

(Tudalen 24)

**Dogfennau atodol:**

LJC(6)-21-23 – Papur 12 – Llythyr gan y Gweinidog Newid Hinsawdd at y Gweinidog Gwladol dros Dai a Chynllunio, 27 Mehefin 2023 [Saesneg yn unig]

**6 Cynnig o dan Reol Sefydlog 17.42 i benderfynu gwahardd y cyhoedd o weddill y cyfarfod**

(14.00)

**7 Memorandwm Cydsyniad Deddfwriaethol Atodol (Memorandwm Rhif 6) ar y Bil Caffael**

(14.00 – 14.15)

(Tudalennau 25 – 32)

**Dogfennau atodol:**

LJC(6)-21-23 – Papur 13 – Nodyn cyngor cyfreithiol [Saesneg yn unig]

LJC(6)-21-23 – Papur 14 – Adroddiad drafft [Saesneg yn unig] [I ddilyn]

**8 Memorandwm Cydsyniad Deddfwriaethol ar y Bil Ynni**

(14.15 – 14.25)

(Tudalennau 33 – 70)

**Dogfennau atodol:**

LJC(6)-21-23 – Papur 15 – Llythyr gan y Gweinidog Newid Hinsawdd at y Llywydd, 29 Mehefin 2023

LJC(6)-21-23 – Papur 16 – Memorandwm Cydsyniad Deddfwriaethol

## **SL(6)365 – Rheoliadau Addysg (Cyllid Myfyrwyr) (Diwygiadau Amrywiol) (Rhif 2) (Cymru) 2023**

### **Cefndir a diben**

Mae'r Rheoliadau hyn yn diwygio amryw Reoliadau sy'n gwneud darpariaeth ynghylch cyllid myfyrwyr, ac mewn cysylltiad ag ef.

Gwneir diwygiadau —

- (a) i'r enwau yr adwaenir tiriogaethau tramor Prydeinig penodol wrthynt bellach, er mwyn bod yn gyson â Deddf Cenedligrwydd Prydeinig 1981, a
- ((b) sy'n ymwneud â statws mewnfudo dinasyddion penodol o Affganistan o ganlyniad i newidiadau a wnaed i'r rheolau mewnfudo.

Gwneir diwygiadau hefyd i Reoliadau Addysg (Cymorth i Fyfyrwyr) (Cymru) 2017 a Rheoliadau Addysg (Cymorth i Fyfyrwyr) (Cymru) 2018 er mwyn datgymhwysu terfynu cymhwystra yn gynnar ar gyfer categorïau penodol o fyfyrwyr cymwys o dan amgylchiadau pan fo person wedi dod yn ddinesydd Prydeinig neu'n ddinesydd Gwyddelig.

### **Gweithdrefn**

Negyddol.

Gwnaed y Rheoliadau gan Weinidogion Cymru cyn iddynt gael eu gosod gerbron y Senedd. Gall y Senedd ddirymu'r Rheoliadau o fewn 40 diwrnod (ac eithrio unrhyw ddyddiau pan fo'r Senedd: (i) wedi'i diddymu neu (ii) mewn cyfnod o doriad am fwy na phedwar diwrnod) i'r dyddiad y'u gosodwyd gerbron y Senedd.

### **Materion technegol: craffu**

Nodir y pwyntiau a ganlyn i gyflwyno adroddiad arnynt o dan Reol Sefydlog 21.2 mewn perthynas â'r offeryn hwn.

#### **1. Rheol Sefydlog 21.2(vii) – ei bod yn ymddangos bod anghysondebau rhwng ystyr testun Cymraeg a thestun Saesneg yr offeryn.**

Yn rheoliad 11, mae gwahaniaeth bach iawn rhwng y testun Cymraeg a'r testun Saesneg. Yn y testun Saesneg, mae'r paragraff newydd (12G) i'w fewnosod ar ôl "paragraff (12F)" ond yn y testun Cymraeg fe'i disgrifir fel pe bai wedi'i fewnosod ar ôl "paragraff 12(F)" yn rheoliad 110 o Reoliadau Addysg (Cymorth i Fyfyrwyr) (Cymru) 2017.

#### **2. Rheol Sefydlog 21.2(vi) – ei bod yn ymddangos bod y drafft yn ddiffygiol neu ei fod yn methu â bodloni gofynion statudol**



Yn Rheoliad 22(b) mae ansicrwydd a yw'r disgrifiad o leoliad y diwygiad i Reoliadau Addysg (Cymorth i Fyfyrrwyr) (Graddau Meistr Ôl-raddedig) (Cymru) 2019 yn gywir, neu a yw'r is-baragraffau newydd wedi'u rhifo'n anghywir. Os yw'r is-baragraffau newydd i'w mewnosod ar ôl "is-baragraff (ii)" gan y gwelliant hwn, dylent fod wedi cael eu rhifo fel is-baragraffau "(iia)" a "(iib)" yn hytrach na "(ia)" a "(ib)" fel y darperir ym mharagraff 7.22(3) o'r Canllaw i Ddrafftio Deddfau i Gymru ar gyfer rhifo testun a fewnosodwyd.

Roedd diwygiad cyfochrog yn rheoliad 14(b), fodd bynnag, yn mewnosod is-baragraffau (ia) a (ib) newydd ar ôl "is-baragraff (i)" ym mharagraff 2ZA(4)(ea) o Atodlen 2 i Ddeddf Addysg (Cymorth i Fyfyrrwyr) (Cymru) 2018.

Felly, mae amheuaeth hefyd ai'r bwriad oedd i reoliad 22(b) fewnosod yr is-baragraffau (ia) a (ib) newydd ar ôl "is-baragraff (i)" yn hytrach nag "is-baragraff (ii)" ym mharagraff 2A(4)(da) o Atodlen 2 i Reoliadau Addysg (Cymorth i Fyfyrrwyr) (Graddau Meistr Ôl-raddedig) (Cymru) 2019. Mae angen eglurhad pellach ynglŷn â bwriad y gwelliant.

## Rhinweddau: craffu

Nodir y pwynt a ganlyn i gyflwyno adroddiad arno o dan Reol Sefydlog 21.3 mewn perthynas â'r offeryn hwn.

### **3. Rheol Sefydlog 21.3(ii) – ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd.**

Nodwn na fu unrhyw ymgynghori ffurfiol ar y Rheoliadau hyn. Yn benodol, nodwn y paragraff a ganlyn yn y Memorandwm Esboniadol:

*"Ni chynhaliwyd ymgynghoriad gan nad yw'r diwygiadau wedi deillio o newid mewn polisi ond o newid mewn terminoleg neu yn y rheolau mewnfudo ac i gywiro'r rheoliadau cymorth i fyfyrwyr i ddileu bwlch yn y ddarpariaeth fel sydd wedi'i chynnwys mewn deddfwriaeth."*

## Ymateb Llywodraeth Cymru

Mae angen ymateb gan Lywodraeth Cymru.

### **Cynghorwyr Cyfreithiol**

**Y Pwyllgor Deddfwriaeth, Cyfiawnder a'r Cyfansoddiad**  
**28 Mehefin 2023**



## **SL(6)363 – Rheoliadau Gwastraff Pecynwaith (Casglu ac Adrodd am Ddata) (Cymru) 2023**

### **Cefndir a diben**

Mae'r Rheoliadau hyn yn gosod gofynion ar gynhyrchwyr sydd wedi ymsefydlu yng Nghymru i gasglu data am y pecynwaith y maent yn ei gyflenwi i eraill. Mewn rhai achosion bydd angen iddynt hefyd adrodd am wybodaeth i Cyfoeth Naturiol Cymru ("CNC").

Mae Rhan 1 yn cynnwys y darpariaethau dehongli a'r darpariaethau cyffredinol.

Mae Rhan 2 yn nodi'r rhwymedigaethau ar gynhyrchwyr. Mae Atodlen 1 yn nodi'r wybodaeth y mae'n ofynnol i gynhyrchwyr ei chasglu ac adrodd amdani.

Mae Rhan 3 yn gwneud darpariaeth ar gyfer cynlluniau cofrestredig ac yn esemptio cynhyrchwyr sy'n aelodau o gynllun cofrestredig rhag eu rhwymedigaethau o ran adrodd am ddata o dan y Rheoliadau hyn, a bwrw eu bod yn bodloni gofynion penodol. Mae'n ofynnol i gynlluniau cofrestredig lunio adroddiadau ar ran pob un o'u haelodau sy'n bodloni'r gofynion hyn. Mae Rhan 3 hefyd yn gwneud darpariaeth mewn perthynas â newidiadau i aelodaeth cynllun yng nghanol blwyddyn berthnasol.

Mae Rhan 4 yn nodi pwerau a dyletswyddau CNC o dan y Rheoliadau hyn.

Mae Rhan 5 yn darparu ar gyfer nifer o droseddau a chosbau am dorri'r gofynion a osodir gan y Rheoliadau hyn. Caiff y Rheoliadau hyn eu gorfodi gan CNC.

Dyma'r drydedd fersiwn o'r Rheoliadau hyn i'w gosod gerbron y Senedd. Mae dwy fersiwn flaenorol o'r Rheoliadau wedi'u tynnu'n ôl o'r blaen. Ysgrifennodd Cadeirydd y Pwyllgor at y Gweinidog Newid Hinsawdd (y "Gweinidog") mewn [llythyr ar 14 Mawrth 2023](#), yn gofyn am ymatebion i faterion a godwyd yn adroddiad drafft y Pwyllgor. [Cafwyd ymateb gan y Gweinidog ar 23 Mawrth 2023](#), a oedd yn cynnwys ymatebion i'r materion a godwyd yn yr adroddiad drafft. Mae'r ymatebion hyn wedi'u cynnwys yn y sylwadau i'r pwyntiau adrodd y maent yn berthnasol iddynt, isod.

### **Y weithdrefn**

Cadarnhaol Drafft

Mae Gweinidogion Cymru wedi gosod drafft o'r Rheoliadau gerbron y Senedd. Ni chaiff Gweinidogion Cymru wneud y Rheoliadau oni bai bod y Senedd yn cymeradwyo'r Rheoliadau drafft.

### **Materion technegol: craffu**

Nodwyd y pum pwynt a ganlyn i gyflwyno adroddiad arnynt o dan Reol Sefydlog 21.2 mewn cysylltiad â'r



offeryn hwn.

### **1. Rheol Sefydlog 21.2(v) – bod angen eglurhad pellach ynglŷn â'i ffurf neu ei ystyr am unrhyw reswm penodol**

Yn rheoliad 2(1), yn y testun Saesneg, nid yw'r termau Cymraeg cyfatebol wedi'u cynnwys mewn llythrennau italig a chromfachau ar ôl y diffiniadau o Ddeddf 2003 a phecywaith brand.

### **2. Rheol Sefydlog 21.2(v) – bod angen eglurhad pellach ynglŷn â'i ffurf neu ei ystyr am unrhyw reswm penodol**

Mae rheoliad 7(1) yn darparu ystyr "pecynwaith cartref". Nid ydym yn ystyried bod y gwaith drafftio yn darparu diffiniad clir o'r hyn y mae pecynwaith cartref yn ei olygu yn y cyd-destun hwn.

Datganodd y Gweinidog y canlynol, ar 23 Mawrth, mewn perthynas â'r pwynt hwn:

*"Mae Llywodraeth Cymru o'r farn bod y diffiniad o "pecynwaith cartref" yn rheoliad 7(1) yn ddigon clir ar y pwynt mai "pecynwaith cartref" yw unrhyw becynwaith cynradd neu becynwaith cludo nad yw'n cael ei gyflenwi i fusnes sy'n ddefnyddiwr terfynol y pecynwaith hwnnw. Eglurir hyn ymhellach gan reoliad 7(2). Mae'r cynllun Cyfrifoldeb Estynedig Cynhyrchwyr ("EPR") cyffredinol ar gyfer pecynwaith yn cael ei gyflwyno ledled pedair gwlad y DU gyda rheoliadau cyfatebol adrodd am ddata yn cael eu gosod ym mhob un o'r deddfwrfeydd. Mae'r diffiniad a ddefnyddir yn gyson â'r hyn a ddefnyddir yn y rheoliadau yn Lloegr, yr Alban a Gogledd Iwerddon gan fod diffiniad cyffredin yn hanfodol er mwyn helpu busnesau i gydymffurfio a sicrhau cysondeb wrth gasglu ac adrodd am ddata ledled y DU. Nid ystyrir bod angen diwygiad i fynd i'r afael â'r pwynt craffu technegol hwn."*

### **3. Rheol Sefydlog 21.2(v) – bod angen eglurhad pellach ynglŷn â'i ffurf neu ei ystyr am unrhyw reswm penodol**

Mae'r term "brand" wedi'i ddiffinio yn rheoliad 8(13) fel term sy'n dwyn ystyr **yn y Rheoliadau hyn** ond ni chyfeiriwyd ato yn y rhestr o ddiffiniadau a geir yn rheoliad 2(1). Cyfeiriwyd at y ddau ddiffiniad arall a geir yn rheoliad 8(13), sef "perchennog brand" a "pecynwaith brand" yn rheoliad 2(1) fel bod y darllenwyr yn ymwybodol bod gan y termau hynny yr un ystyr drwy gydol y Rheoliadau. O ganlyniad, mae'n bosibl na fydd y darllenwyr yn ymwybodol bod "brand" wedi'i ddiffinio fel term yn y Rheoliadau hyn hefyd, ac ymddengys ei fod yn ddull anghyson o'i gymharu â'r hyn a fabwysiedir i'r termau diffiniedig eraill a geir yn rheoliad 8(13).





#### **4. Rheol Sefydlog 21.2(vii) – ei bod yn ymddangos bod anghysondebau rhwng ystyr testun Cymraeg a thestun Saesneg yr offeryn neu'r drafft**

Yn rheoliad 16(6), yn y testun Cymraeg, ceir gwahaniaeth sylweddol rhwng y testunau Cymraeg a Saesneg gan fod y gair "data" ar goll o'r cyfieithiad o'r ymadrodd "cyfnod casglu data", yn y lle cyntaf y mae'n digwydd yn y drydedd linell o baragraff (6). Mae'n derm diffiniedig yn rheoliad 2(1) ac felly rhoddwyd ystyr penodol iddo yn y Rheoliadau hyn.

#### **5. Rheol Sefydlog 21.2(v) – bod angen eglurhad pellach ynglŷn â'i ffurf neu ei ystyr am unrhyw reswm penodol**

Yn Atodlen 1, ym mharagraff 15(1)(b), disgrifir y cyfeiriad yn anghywir fel "**Is**-baragraff (a)" ond dylid cyfeirio ato fel "**paragraff** (a)" (paragraff 15/is-baragraff (1)/paragraff (a)).

### **Rhinweddau: craffu**

Nodwyd yr 8 pwynt a ganlyn i gyflwyno adroddiad arnynt o dan Reol Sefydlog 21.3 mewn cysylltiad â'r offeryn hwn

#### **6. Rheol Sefydlog 21.3(ii) – ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd**

Mae rheoliad 4 yn addasu'r Gyfarwyddeb Wastraff<sup>1</sup>, ac yn benodol mae'r addasiad yn ymwneud â diffiniad "gwastraff" y Gyfarwyddeb Wastraff, sy'n allweddol i ddeall y Rheoliadau hyn. Rydym yn nodi bod y Gyfarwyddeb Wastraff ar gael i'r cyhoedd ar [legislation.gov.uk](http://legislation.gov.uk).

Gwnaethom holi o'r blaen a oes ffordd fwy hygyrch o ddeddfu yn hyn o beth er mwyn galluogi darlennydd i weld y darpariaethau ar wyneb y Rheoliadau hyn.

Cawsom ymateb gan Lywodraeth Cymru ar 23 Mawrth ar y pwynt hwn a ddatganodd fod: "*Llywodraeth Cymru o'r farn bod y ddeddfwriaeth yn hygyrch oherwydd bydd y cyhoedd yn gallu cael gafael ar y Gyfarwyddeb Gwastraff ar [legislation.gov.uk](http://legislation.gov.uk). Felly nid ystyrir bod angen diwygiad i fynd i'r afael â'r pwynt craffu ar rinweddau hwn.*"

#### **7. Rheol Sefydlog 21.3(ii) – ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd**

---

<sup>1</sup> Cyfarwyddeb 2008/98/EC Senedd Ewrop a'r Cyngor ar wastraff, fel y'i diwygiwyd ddiwethaf gan Gyfarwyddeb (UE) 2018/851



Mae rheoliad 6(3) yn darparu bod Atodlen 5 i Reoliadau Deunydd Pacio (Gofynion Hanfodol) 2015 yn cynnwys enghreifftiau eglurhaol o ddeunydd pacio.

Byddai cynnwys yr enghreifftiau hyn mewn atodlen i'r Rheoliadau wedi gwella hygyrchedd, ar gyfer yr hyn sydd eisoes yn rheoliadau cymhleth.

Mewn perthynas â drafft blaenorol o'r Rheoliadau, datganodd y Gweinidog (ar 23 Mawrth) fod:

*"y ddeddfwriaeth yn hygyrch oherwydd bydd y cyhoedd yn gallu cael gafael ar Reoliadau Pecynwaith (Gofynion Hanfodol) 2015 ar [legislation.gov.uk](http://legislation.gov.uk). Felly nid ystyrir bod angen diwygiad i fynd i'r afael â'r pwynt craffu ar rinweddau hwn."*

#### **8. Rheol Sefydlog 21.3(ii) – ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd**

Mae rheoliad 14 yn darparu ar gyfer sefyllfaoedd pan fo cynhyrchedd yn marw, yn mynd yn fethdalwr neu'n dod yn analluog (y "cynhyrchedd cyntaf"). Mae angen i berson sy'n parhau â gweithgareddau'r cynhyrchedd cyntaf drwy reoliad 14(3) hysbysu CNC o fewn 28 o ddiwrnodau i ddechrau'r gweithgareddau hynny. Mae hwn yn gais penodol, gydag amserlen gymharol fyr, gan ddibynnu ar yr amgylchiadau. Gwnaethom holi (mewn perthynas â drafft blaenorol o'r Rheoliadau) ei bod yn ymddangos yn aneglur sut y bydd y gofyniad hwn yn cael ei amlygu/ei hysbysebu, er mwyn galluogi'r rhai sydd dan rwymedigaeth i hysbysu CNC i wneud hynny mewn da bryd. Ymatebodd y Gweinidog, ar 23 Mawrth, drwy ddatgan bod Llywodraeth Cymru:

*"eisoes wedi ymgynghori â rhanddeiliaid (gan gynnwys CNC) ynghylch sefydlu cynllun EPR newydd. Yn ogystal, ategir cyflwyno'r Rheoliadau hyn gan broses ymgysylltu â rhanddeiliaid gynhwysfawr ledled y DU. Mae hyn yn cynnwys cyfres o sesiynau ymwybyddiaeth yn targedu'r rhai sydd â rhwymedigaeth o dan y rheoliadau sydd eisoes ar waith ac yn mynd rhagddynt. Nod y rhain yw rhannu'r newidiadau hyn a helpu busnesau i ddeall y rhwymedigaethau a osodir arnynt. Felly nid ystyrir bod angen diwygiad i fynd i'r afael â'r pwynt craffu ar rinweddau hwn."*

#### **9. Rheol Sefydlog 21.3(ii) – ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd**

Yn gyffredinol, gall fod yn anodd llywio drwy'r Rheoliadau. Yn ein barn ni, nid yw rheoliad 15 yn hygyrch iawn a gall hyn achosi trafferth i gynhyrchedd ddeall beth yw ei rwymedigaethau. Yn y bôn, mae pedwar cam yn rheoliad 15. Yn gyntaf, rhaid i gynhyrchedd nodi pa ddarpariaeth o reoliad 15 sy'n berthnasol i'w fusnes. Mae hyn yn ei gyfeirio at ddarpariaethau penodol rheoliadau 16 a 17. Yn ail, mae'r ddarpariaeth berthnasol yn rheoliad 16/17 yn ei gyfeirio at baragraffau penodol i'r Atodlen. Yn drydydd, mae'r paragraffau hynny o'r Atodlen yn ei gyfeirio at baragraffau eraill ar wahân i'r Atodlen. Yn olaf, dim ond wedyn y gall y cynhyrchedd weld y



wybodaeth y mae'n ofynnol iddo ei chasglu/hadrodd, er y gall fod yn rhaid iddo fynd yn ôl ac ymlaen rhwng paragraffau ar wahân i ganfod y rhestr gyflawn.

Byddai'n ymddangos yn fwy priodol pe bai'r Atodlen yn symlach fel ei bod yn cynnwys rhestr ar wahân ar gyfer pob math o gynhyrchydd, sy'n nodi'n glir yr holl wybodaeth y mae ar y cynhyrchydd hwnnw ei hangen.

Nid ydym yn credu mai dyma'r modd mwyaf hygyrch o ddrafftio'r rheoliadau. Ar 23 Mawrth, wrth ymateb i ymholiad blaenorol y Pwyllgor ar y pwynt hwn, datganodd y Gweinidog fod Llywodraeth Cymru:

*"o'r farn bod y broses gyfeirio yn y Rheoliadau yn sicrhau bod y Rheoliadau yn hygyrch ac yn rhoi eglurder i gynhyrchwyr ynghylch eu rhwymedigaethau o dan y Rheoliadau. Yn ogystal, ategir cyflwyno'r Rheoliadau hyn gan broses ymgysylltu â rhanddeiliaid gynhwysfawr. Mae hyn yn cynnwys cyfres o sesiynau ymwybyddiaeth yn targedu'r rhai sydd â rhwymedigaeth o dan y Rheoliadau sydd eisoes ar waith ac yn mynd rhagddynt. Nod y rhain yw rhannu'r newidiadau hyn a helpu busnesau i ddeall y rhwymedigaethau a osodir arnynt.*

#### **10. Rheol Sefydlog 21.3(ii) – ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd**

Mae rheoliad 19(2)(a) yn darparu bod paragraff 19(1) yn gymwys os yw cynhyrchydd yn darparu gwybodaeth y mae gweithredwr cynllun yn gwneud cais amdani o fewn "cyfnod rhesymol i gael cais o'r fath". Fodd bynnag, nid oes manylion ar wyneb y Rheoliadau ynghylch beth y gallai cyfnod rhesymol o'r fath fod. Pan gododd y Pwyllgor y mater hwn yn flaenorol, datganodd y Gweinidog (ar 23 Mawrth) nad:

*"ystyriwyd bod angen diffinio "cyfnod rhesymol" o ystyried y bydd yr hyn a allai gael ei ystyried yn rhesymol yn debygol o fod yn wahanol gan ddibynnu ar y lefel o wybodaeth y gofynnir amdani ym mhob achos unigol. Felly nid ystyrir bod angen diwygiad i fynd i'r afael â'r pwynt craffu ar rinweddau hwn."*

#### **11. Rheol Sefydlog 21.3(ii) – ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd**

Mae rheoliad 22 yn ei gwneud yn ofynnol i CNC gyhoeddi rhestrau o eitemau a gesglir i'w hailgylchu. Fodd bynnag, nid oes gofyniad penodol ar wyneb y Rheoliadau i ddiweddarau'r rhestrau hyn. Felly, nid yw'n glir os mai'r bwriad yw i'r rhestrau a gyhoeddir yn unol â rheoliad 22 gael eu diweddarau. Ar 23 Mawrth, datganodd y Gweinidog y canlynol wrth ymateb i ymholiad blaenorol ar y pwynt hwn:

*bydd y Rheoliadau hyn yn cael eu disodli gan y brif gyfres o Rheoliadau Cyfrifoldeb Estynedig Cynhyrchwyr ("EPR") a fydd yn cyflwyno'r agweddau eraill ar y diwygiadau EPR ym maes*



*pecynwaith ac felly mae terfyn amser i'r gofyniad hwn. O dan y Rheoliadau EPR trosglwyddir y cyfrifoldeb am gyhoeddi rhestrau o eitemau wedi eu hailgylchu o CNC i weinyddwr cynllun a fydd yn cael ei sefydlu i weithredu'r drefn. Felly nid ystyrir bod angen diwygiad i fynd i'r afael â'r pwynt craffu ar rinweddau hwn."*

## **12. Rheol Sefydlog 21.3(ii) – ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd**

Mae rheoliad 25(1) yn galluogi CNC i gyflenwi ffurflen i berson cymeradwy wneud cais am gymeradwyaeth i ddirprwyo ei swyddogaethau i berson arall o dan reoliad 24(3).

Mae rheoliad 25(2) yn darparu ar gyfer cyfnod o 28 o ddiwrnodau pan gaiff CNC caniatáu neu wrthod y cais am gymeradwyaeth.

Roeddem yn meddwl tybed a ystyriwyd bod darpariaeth sy'n caniatáu cydsyniad tybiedig, mewn amgylchiadau pan nad yw CNC yn caniatáu neu'n gwrthod y cais o fewn yr amserlen benodedig, ac a fyddai'n cynorthwyo ymgeiswyr. Ar 23 Mawrth, datganodd y Gweinidog, wrth ymateb i'n hymholiad, na:

*"fyddai Llywodraeth Cymru am weld sefyllfa pan fo cydsyniad tybiedig yn ddiodyn ac mae'n bwysig bod CNC fel y rheoleiddiwr yn penderfynu ar y cais. Felly nid ystyrir bod angen diwygiad i fynd i'r afael â'r pwynt craffu ar rinweddau hwn."*

## **13. Rheol Sefydlog 21.3(ii) – ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd**

Gosodwyd y Rheoliadau hyn gerbron y Senedd ar 13 Mehefin 2023. Gosodwyd drafft cyntaf o'r Rheoliadau gerbron y Senedd ar 24 Ionawr 2023, cyn cael ei dynnu'n ôl yn ddiweddarach. Gosodwyd ail drafft o'r Rheoliadau gerbron y Senedd ar 14 Chwefror 2023, a chafodd ei dynnu'n ôl yn ddiweddarach hefyd. Nid yw'n glir pam y bu oedi cyn gosod y Rheoliadau hyn, o ystyried bod newidiadau cyfyngedig wedi'u gwneud i ffurf y Rheoliadau mewn cymhariaeth â'r fersiwn flaenorol a osodwyd.

## **Ymateb Llywodraeth Cymru**

Mae angen ymateb gan Lywodraeth Cymru i bwyntiau 1, 3, 4, 5 a 13 uchod.

### **Cynghorwyr Cyfreithiol**

**Y Pwyllgor Deddfwriaeth, Cyfiawnder a'r Cyfansoddiad**  
**27 Mehefin 2023**



**Julie James AS/MS**  
**Y Gweinidog Newid Hinsawdd**  
**Minister for Climate Change**



**Llywodraeth Cymru**  
**Welsh Government**

Ein cyf/Our ref MA/JJ/1094/23

Huw Irranca-Davies AS  
Cadeirydd  
Y Pwyllgor Deddfwriaeth, Cyfiawnder a'r Cyfansoddiad  
Senedd Cymru  
Bae Caerdydd  
Caerdydd CF99 1SN  
SeneddLJC@senedd.wales

12 Mehefin 2023

Annwyl Huw Irranca-Davies AS

Rwy'n ysgrifennu i roi gwybod i chi y bydd Rheoliadau Gwastraff Deunydd Pacio (Casglu a Chofnodi Data) (Cymru) 2023 yn cael ei osod yn fuan cyn i'r Senedd ddod o dan gwmpas y Fframwaith Adnoddau a Gwastraff.

Yn gywir

**Julie James AS/MS**  
**Y Gweinidog Newid Hinsawdd**

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Gohebiaeth.Julie.James@llyw.cymru](mailto:Gohebiaeth.Julie.James@llyw.cymru)  
[Correspondence.Julie.James@gov.Wales](mailto:Correspondence.Julie.James@gov.Wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

**Tudalen y pecyn 9**



Ein cyf/Our ref: MA/JJ/1672/23

Huw Irranca-Davies AS  
Cadeirydd,  
Y Pwyllgor Deddfwriaeth, Cyfiawnder a'r Cyfansoddiad  
Senedd Cymru  
Bae Caerdydd  
Caerdydd  
CF99 1SN

26 Mehefin 2023

Annwyl Huw,

Yn dilyn fy ngohebiaeth dyddiedig 16 Mai, rwy'n ysgrifennu i roi gwybod i'r Pwyllgor fy mod wedi cael llythyr gan y Gwir Anrhydeddus Jesse Norman AS, y Gweinidog Gwladol yn gofyn am gytundeb ffurfiol gan Weinidogion Cymru i wneud Offeryn Statudol ("OS"), "Rheolau Trafnidiaeth a Gweithfeydd (Gweithdrefn Geisiadau, Gwrthwynebiadau ac Ymchwiliadau) (Diwygio) (Cymru a Lloegr) 2023" ("Rheolau 2023").

Rwyf wedi cytuno i Lywodraeth y DU wneud Rheolau 2023 a'u gosod. Bwriad Llywodraeth y DU yw gosod yr OS gerbron Senedd y DU ar 14 Gorffennaf 2023 gydag 11 Awst 2023 yn ddyddiad dod i rym.

Fel yr esboniwyd yn flaenorol, byddai Rheolau 2023 yn gwneud newidiadau i'r broses ar gyfer cyflwyno a phrosesu ceisiadau ar gyfer Gorchmynion o dan Ddeddf Trafnidiaeth a Gweithfeydd 1992 ("Deddf 1992"), fel y nodir yn Rheolau Trafnidiaeth a Gweithfeydd (Gweithdrefn Geisiadau a Gwrthwynebiadau) (Cymru a Lloegr) 2006 ("Rheolau 2006") a Rheolau Trafnidiaeth a Gweithfeydd (Gweithdrefn Ymchwiliadau) 2004 ("Rheolau 2004"). Bwriedir i'r newidiadau gael gwared ar y ddibyniaeth ar ddogfennau papur a'i gwneud yn bosibl defnyddio dulliau electronig o gyfathrebu a chyflwyno ceisiadau.

Mae Deddf 1992, gan fwyaf, yn Ddeddf sy'n galluogi'r Ysgrifennydd Gwladol i wneud Gorchmynion sy'n ymwneud ag adeiladu neu weithredu rheilffyrdd, tramffyrdd a systemau trafndiaeth cyfeiriedig eraill, neu faterion sy'n ategol i'r systemau trafndiaeth hynny. Mae'r Ddeddf hefyd yn galluogi'r Ysgrifennydd Gwladol i wneud Gorchmynion sy'n ymwneud â gweithfeydd sy'n ymyrryd â hawliau mordwyo cyhoeddus.

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Gohebiaeth.Julie.James@llyw.cymru](mailto:Gohebiaeth.Julie.James@llyw.cymru)  
[Correspondence.Julie.James@gov.Wales](mailto:Correspondence.Julie.James@gov.Wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

Tudalen y pecyn 10  
We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Caiff Gweinidogion Cymru arfer, ymhlith pethau eraill, y pŵer i wneud Gorchymynion o dan Ddeddf 1992 yng Nghymru yn rhinwedd Gorchymyn Cynulliad Cenedlaethol Cymru (Trosglwyddo Swyddogaethau) 1999 (“Gorchymyn 1999”).

### Rheolau 2006

Ni chafodd swyddogaethau'r Ysgrifennydd Gwladol, sef y pwerau perthnasol i wneud rheolau o dan adran 6, 7(4) a 10 o Ddeddf 1992, y gwneir Rheolau 2006 oddi tanynt, eu trosglwyddo gan Orchymyn 1999. Felly, nid oes gan Weinidogion Cymru'r gallu i ddiwygio na gwneud rheolau o dan y pwerau perthnasol i wneud rheolau.

Mae erthygl 5 ac Atodlen 2 i Orchymyn 1999 yn darparu mai dim ond gyda chytundeb Gweinidogion Cymru y gellir arfer y swyddogaethau hynny sydd gan yr Ysgrifennydd Gwladol, i'r graddau y maent yn arferadwy o ran Cymru. Mae hyn yn cynnwys y pwerau perthnasol i wneud rheolau o dan Ddeddf 1992. Felly, mae'n ofynnol yn gyfreithiol cael cytundeb Gweinidogion Cymru cyn y gellir gwneud y newidiadau i Reolau 2006, fel y cynigir yn Rheolau 2023.

### Rheolau 2004

Gwneir Rheolau 2004 o dan adran 9 o Ddeddf Tribiwnlysoedd ac Ymchwiliadau 1992 (“y TIA”). Mae adran 9(7) o'r TIA yn darparu, wrth gymhwyso adran 9 i ymchwiliadau a gynhelir yng Nghymru neu gan Weinidogion Cymru neu ar eu rhan, fod y pŵer i wneud rheolau yn is-adran (1) yn arferadwy gan Weinidogion Cymru (ac nid gan yr Arglwydd Ganghellor). O ganlyniad, bydd angen i unrhyw ddiwygiadau a wneir i Reolau 2004 mewn perthynas ag ymchwiliadau a gynhelir yng Nghymru gan Weinidogion Cymru neu ar eu rhan, gael eu gwneud gan Weinidogion Cymru. Ar hyn o bryd, nid yw Llywodraeth Cymru yn deddfu i wneud diwygiadau i Reolau 2004.

Mae Rheolau 2023 yn diwygio Rheolau 2006 a Rheolau 2004. Fodd bynnag, am y rhesymau sydd wedi'u manylu uchod, bydd y diwygiadau i Reolau 2004 yn gymwys o ran Lloegr yn unig. Bydd y diwygiadau i Reolau 2006 yn gymwys yng Nghymru a Lloegr.

Mae'r mân newidiadau arfaethedig i Reolau 2006 yn cyd-fynd ag agenda ehangach Llywodraeth Cymru i symleiddio'r prosesau cydsynio a byddai ganddynt fuddion amgylcheddol drwy ddileu'r angen i ddarparu dogfennau papur ar gyfer ceisiadau o dan Ddeddf 1992.

Nid oes gan Reolau 2023 oblygiadau ar gyfer y Rhaglen Lywodraethu.

Yn gywir,



**Julie James AS/MS**  
Y Gweinidog Newid Hinsawdd  
Minister for Climate Change



Llywodraeth Cymru  
Welsh Government

Eich cyf/Your ref  
Ein cyf/Our ref: RE-221-2023

Huw Irranca-Davies AS  
Cadeirydd  
Y Pwyllgor Deddfwriaeth, Cyfiawnder a'r Cyfansoddiad  
Senedd Cymru

[SeneddDCC@senedd.cymru](mailto:SeneddDCC@senedd.cymru)

26 Mehefin 2023

Annwyl Huw,

## Canlyniad y Grŵp Rhyngweinidogol ar gyfer Tai, Cymunedau a Llywodraeth Leol

Yn unol â'r cytundeb cysylltiadau rhyngsefydliadol, cynhaliwyd ail gyfarfod y Grŵp Rhyngweinidogol ar gyfer Tai, Cymunedau a Llywodraeth Leol ar 10 Mai 2023. Yn Weinidog arweiniol ar gyfer y Grŵp hwn, gofynnais i'r Gweinidog Newid Hinsawdd gadeirio'r cyfarfod gan fod eitemau'r agenda yn dod o dan ei phortffolio hi. Yn wreiddiol, roedd y cyfarfod hwn wedi'i drefnu at 10 Hydref 2022 ond fe'i gohiriwyd ar gais Llywodraeth y DU.

Nid oedd Julie James AS, y Gweinidog Newid Hinsawdd yn gallu bod yn bresennol ar y diwrnod a rhannodd hi ei hymddiheuriadau. Cynrychiolwyd Llywodraeth Cymru gan: Emma Williams, y Cyfarwyddwr Tai ac Adfywio; Sarah Rhodes, y Pennaeth Atal Digartrefedd; Andrea Street, y Dirprwy Gyfarwyddwr Safonau a Rheoleiddio Diogelwch Tai; a Jo Lerner, Pennaeth y Rhaglen Diogelwch Adeiladau.

Ar ran Llywodraeth yr Alban, roedd Paul McLennan ASA, y Gweinidog Tai yn bresennol yn y cyfarfod, ac yn absenoldeb y Gweinidog Newid Hinsawdd, cytunodd i gadeirio'r cyfarfod. Cynrychiolwyd Gweithrediaeth Gogledd Iwerddon gan Mark O'Donnell, y Dirprwy Ysgrifennydd Tai, Adfywio Trefol a Llywodraeth Leol; Paul Price, y Cyfarwyddwr Polisi Tai Cymdeithasol a Kieran Devlin, y Dirprwy Gyfarwyddwr Polisi Cyflenwad Tai. O Lywodraeth y DU, roedd Felicity Buchan AS, yr Is-ysgrifennydd Gwladol Seneddol ar gyfer Tai a Chysgu Allan ac ar gyfer yr Undeb a'r Cyfansoddiad yn bresennol er nid oedd yn bresennol ar gyfer yr eitem diogelwch adeiladau yn sgil ei chyswllt etholaethol â Grenfell. Hefyd yn bresennol yr oedd Lee Rowley AS, yr Is-ysgrifennydd Gwladol Seneddol ar gyfer Llywodraeth Leol a Diogelwch Adeiladau.

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Correspondence.Rebecca.Evans@gov.wales](mailto:Correspondence.Rebecca.Evans@gov.wales)  
[Gohebiaeth.Rebecca.Evans@llyw.cymru](mailto:Gohebiaeth.Rebecca.Evans@llyw.cymru)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.



Digartrefedd oedd yr eitem o bwys ar yr agenda a thrafododd y grŵp y blaenoriaethau a'r heriau cyffredin y mae pob llywodraeth yn eu hwynebu o ran mynd i'r afael â digartrefedd. Roedd gwneud i'r Sector Rhentu Preifat weithio er mwyn atal digartrefedd a blaenoriaethu mesurau atal wedi'u targedu yn feysydd ffocws allweddol. Er, yng nghyd-destun digartrefedd, trafodwyd bod effeithiau costau byw, y rhyfel yn Wcráin ac argyfyngau dyngarol eraill yn bryderon a rennir. Mae heriau cyffredin hefyd o ran cyfraddau Lwfans Tai Lleol, cadernid gweithluoedd a nifer y bobl sydd mewn llety dros dro. Trafodwyd hefyd y cynnydd sydd wedi'i wneud ar faterion diogelwch adeiladau ers cyfarfod cychwynnol y Grŵp Rhyngweiniadol. Cydnabuwyd y berthynas waith gadarnhaol sydd rhwng swyddogion ym meysydd diogelwch adeiladau a digartrefedd a chytunwyd i'r cydweithio ar y lefel hon barhau.

Cytunodd y grŵp y byddai Llywodraeth yr Alban yn cynnal y cyfarfod nesaf sy'n debygol o gael ei drefnu at yr hydref. Bydd swyddogion yn cydweithio yn awr i nodi dyddiad penodol ac eitemau addas ar gyfer yr agenda.

Yn gywir,



**Rebecca Evans AS/MS**

Y Gweinidog Cyllid a Llywodraeth Leol



Llywodraeth Cymru  
Welsh Government

## DATGANIAD YSGRIFENEDIG GAN LYWODRAETH CYMRU

**TEITL** Canlyniad ail Grŵp Rhyngweinidogol ar gyfer Tai, Cymunedau a Llywodraeth Leol

**DYDDIAD** 26 Mehefin 2023

**GAN** Rebecca Evans, Y Gweinidog Cyllid a Llywodraeth Leol

Yn unol â'r cytundeb cysylltiadau rhyngsefydliadol, cynhaliwyd ail gyfarfod y Grŵp Rhyngweinidogol ar gyfer Tai, Cymunedau a Llywodraeth Leol ar 10 Mai 2023. Yn Weinidog arweiniol ar gyfer y Grŵp hwn, gofynnais i'r Gweinidog Newid Hinsawdd gadeirio'r cyfarfod gan fod eitemau'r agenda yn dod o dan ei phortffolio hi. Yn wreiddiol, roedd y cyfarfod hwn wedi'i drefnu at 10 Hydref 2022 ond fe'i gohiriwyd ar gais Llywodraeth y DU.

Nid oedd Julie James AS, y Gweinidog Newid Hinsawdd yn gallu bod yn bresennol ar y diwrnod a rhannodd hi ei hymddiheuriadau. Cynrychiolwyd Llywodraeth Cymru gan: Emma Williams, y Cyfarwyddwr Tai ac Adfywio; Sarah Rhodes, y Pennaeth Atal Digartrefedd; Andrea Street, y Dirprwy Gyfarwyddwr Safonau a Rheoleiddio Diogelwch Tai; a Jo Lerner, Pennaeth y Rhaglen Diogelwch Adeiladau.

Ar ran Llywodraeth yr Alban, roedd Paul McLennan ASA, y Gweinidog Tai yn bresennol yn y cyfarfod, ac yn absenoldeb y Gweinidog Newid Hinsawdd, cytunodd i gadeirio'r cyfarfod. Cynrychiolwyd Gweithrediaeth Gogledd Iwerddon gan Mark O'Donnell, y Dirprwy Ysgrifennydd Tai, Adfywio Trefol a Llywodraeth Leol; Paul Price, y Cyfarwyddwr Polisi Tai Cymdeithasol a Kieran Devlin, y Dirprwy Gyfarwyddwr Polisi Cyflenwad Tai. O Lywodraeth y DU, roedd Felicity Buchan AS, yr Is-ysgrifennydd Gwladol Seneddol ar gyfer Tai a Chysgu Allan ac ar gyfer yr Undeb a'r Cyfansoddiad yn bresennol er nid oedd yn bresennol ar gyfer yr eitem diogelwch adeiladau yn sgil ei chyswllt etholaethol â Grenfell. Hefyd yn bresennol yr oedd Lee Rowley AS, yr Is-ysgrifennydd Gwladol Seneddol ar gyfer Llywodraeth Leol a Diogelwch Adeiladau.

Digartrefedd oedd yr eitem o bwys ar yr agenda a thrafododd y grŵp y blaenoriaethau a'r heriau cyffredin y mae pob llywodraeth yn eu hwynebu o ran mynd i'r afael â digartrefedd. Roedd gwneud i'r Sector Rhentu Preifat weithio er mwyn atal digartrefedd a blaenoriaethu mesurau atal wedi'u targedu yn feysydd ffocws allweddol. Er, yng nghyd-destun digartrefedd, trafodwyd bod effeithiau costau byw, y rhyfel yn Wcráin ac argyfyngau dyngarol eraill yn bryderon a rennir. Mae heriau cyffredin hefyd o ran cyfraddau Lwfans Tai Lleol, cadernid gweithluoedd a nifer y bobl sydd mewn llety dros dro. Trafodwyd hefyd y

cynnydd sydd wedi'i wneud ar faterion diogelwch adeiladau ers cyfarfod cychwynnol y Grŵp Rhyngweinidogol.

Cydnabuwyd y berthynas waith gadarnhaol sydd rhwng swyddogion ym meysydd diogelwch adeiladau a digartrefedd a chytunwyd i'r cydweithio ar y lefel hon barhau. Cytunodd y grŵp y byddai Llywodraeth yr Alban yn cynnal y cyfarfod nesaf sy'n debygol o gael ei drefnu at yr hydref. Bydd swyddogion yn cydweithio yn awr i nodi dyddiad penodol ac eitemau addas ar gyfer yr agenda.

[Gellir gweld Datganiad y cyfarfod y cytunwyd gan Weinidogion yma.](#)

# Eitem 4.3

Lesley Griffiths AS/MS

Y Gweinidog Materion Gwledig a Gogledd Cymru, a'r Trefnydd  
Minister for Rural Affairs and North Wales, and Trefnydd



Llywodraeth Cymru  
Welsh Government

Huw Irranca-Davies AS  
Cadeirydd,  
Y Pwyllgor Deddfwriaeth, Cyfiawnder ac Ymgynghori

[SeneddLJC@senedd.wales](mailto:SeneddLJC@senedd.wales)

28 Mehefin 2023

Annwyl Huw

## Rheoliadau Llygryddion Organig Parhaus (Diwygio) 2023

Hoffwn hysbysu'r Pwyllgor o'm bwriad i gydsynio i Lywodraeth y DU wneud a gosod un Offeryn Statudol (SI): Rheoliadau Llygryddion Organig Parhaus (Diwygio) 2023 erbyn 29 Mehefin 2023.

Rwyf wedi derbyn llythyr gan y Gweinidog Gwladol dros Fioddiogelwch, Materion Morol a Gwledig, y Gwir Anrhydeddus yr Arglwydd Benyon, yn gofyn am ganiatâd i'r Rheoliadau hyn. Mae'r Rheoliadau'n croestorri â pholisi datganoledig a byddant yn berthnasol i Gymru. Felly, gallai Gweinidogion Cymru wneud y darpariaethau wrth arfer ein pwerau ein hunain. Bydd y Rheoliadau yn ymestyn i Gymru, Lloegr a'r Alban ac mae cais tebyg am ganiatâd wedi'i anfon at Weinidogion yr Alban.

Mae'r OS hwn yn diwygio Rheoliad (UE) 2019/1021 a ddargedwir gan Senedd Ewrop a'r Cyngor ar Lygryddion Organig Parhaus (ail-lunio) (y "Rheoliad POPs"). Bydd y diwygiad yn ymestyn dyddiad dod i ben rhanddirymiad ar gyfer gweithgynhyrchu, rhoi ar y farchnad a defnyddio asid perfluorooctanoic (PFOA), ei halwynau a chyfansoddion sy'n gysylltiedig â PFOA ar gyfer tecstilau er mwyn eu gwneud yn anhydraid i olew a dŵr i amddiffyn gweithwyr rhag hylifau peryglus sy'n cynnwys risgiau i'w hiechyd a'u diogelwch. Bydd y dyddiad dod i ben yn cael ei ymestyn o 4 Gorffennaf 2023 i 3 Rhagfyr 2025.

Pwrpas y Rheoliadau yw caniatáu i eithriad penodol gael ei ddefnyddio ar gyfer offer amddiffynnol a ddefnyddir gan bersonél Lluoedd Arfog y DU. Ni fydd yr eithriad yn berthnasol i gynhyrchion neu offer a ddefnyddir gan wneuthurwyr neu ddefnyddwyr nad ydynt yn filwyr. Mae hyn oherwydd bod cyfyngiad ar y defnydd o PFOA at ddibenion anfilwrol wedi'i gynnwys yn Rheoliad REACH y DU.

Mae'r OS hwn yn cael ei wneud o dan erthyglau 2A, 15(1) a 18(1) o'r Rheoliad POPs ac mae'n ddarostyngedig i'r weithdrefn penderfyniad negyddol. Cynigir y dylid

Bae Caerdydd • Cardiff Bay  
Caerdydd • Cardiff  
CF99 1SN

Canolfan Cyswllt Cyntaf / First Point of Contact Centre:  
0300 0604400

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

gwneud a gosod yr OS gerbron Senedd y DU ar 29 Mehefin 2023, gyda dyddiad cychwyn o 4 Gorffennaf 2023.

Egwyddor gyffredinol Llywodraeth Cymru yw y dylai'r gyfraith sy'n ymwneud â materion datganoledig gael ei gwneud a'i diwygio yng Nghymru. Ar yr achlysur hwn, ystyrir ei bod yn briodol i sylwedd y diwygiadau fod yn gymwys i Gymru gan nad oes gwahaniaeth polisi rhwng Llywodraeth Cymru a'r DU ar y mater hwn. Mae'r Rheoliad POPs, sy'n cael ei ddiwygio, yn Reoliad ledled Prydain, felly ni ellid gwneud unrhyw ddiwygiadau iddo yn yr iaith Gymraeg.

Mae gwneud y diwygiadau hyn trwy OS diwygio ledled Prydain yn sicrhau llyfr statud cydlynol a chyson, gyda'r rheoliadau ar gael mewn un offeryn. Mae hefyd yn sicrhau na fydd perygl o wahaniaeth yn y ddeddfwriaeth mewn perthynas â defnyddio offer amddiffynnol gan bersonél amddiffyn. Rwy'n credu nad deddfu ar wahân i Gymru fyddai'r ffordd fwyaf priodol o weithredu newidiadau angenrheidiol nac yn ddefnydd doeth o adnoddau Llywodraeth Cymru o ystyried blaenoriaethau pwysig eraill.

Yn gywir



**Lesley Griffiths AS/MS**  
**Y Gweinidog Materion Gwledig a Gogledd Cymru, a'r Trefnydd**  
**Minister for Rural Affairs and North Wales, and Trefnydd**

# Eitem 5.1

**Pwyllgor yr Economi,  
Masnach a Materion Gwledig**

**Economy, Trade and  
Rural Affairs Committee**

**Senedd Cymru**

Bae Caerdydd, Caerdydd, CF99 1SN  
SeneddEconomi @senedd.cymru  
senedd.cymru/ SeneddEconomi  
0300 200 6565

**Welsh Parliament**

Cardiff Bay, Cardiff, CF99 1SN  
SeneddEconomy@senedd.wales  
senedd.wales/ SeneddEconomy  
0300 200 6565

Vaughan Gething AS  
Gweinidog yr Economi

26 Mehefin 2023

Annwyl Vaughan,

Diolch am ddod i gyfarfod y Pwyllgor ar 21 Mehefin. Roeddem wedi bwriadu gofyn cwestiwn ichi ynghylch llwybr hydrogen Partneriaeth Porth y Gorllewin, ond nid oeddem yn gallu gwneud hynny oherwydd cyfyngiadau amser. A fydddech cystal â rhoi'r wybodaeth ddiweddaraf i'r Pwyllgor am unrhyw waith yr ydych yn ei wneud gyda Llywodraeth y DU a Phartneriaeth Porth y Gorllewin mewn perthynas â'r cynlluniau a amlinellwyd yn eu llwybr cyflawni a'r cyfleoedd hydrogen?

Bu'r Aelodau hefyd yn trafod eich llythyr ynghylch Fforwm y Gweinidog Masnach ar 23 Mai. Rydym yn gwerthfawrogi'r diweddariad ac yn croesawu eich cynnig i rannu gwybodaeth am y strwythurau adrannol newydd o fewn Llywodraeth y DU. Hoffai'r Pwyllgor hefyd ofyn am ddiweddariadau rheolaidd ar weithrediad Fframwaith Windsor a'r Model Gweithredu Targed Pwynt Rheoli Ffiniau.

Rwy'n anfon copi o'r llythyr hwn at Huw Irranca-Davies yn rhinwedd ei swydd fel Cadeirydd y Pwyllgor Deddfwriaeth, Cyfiawnder a'r Cyfansoddiad.

Cofion cynnes,



Paul Davies AS

Cadeirydd: Pwyllgor yr Economi, Masnach a Materion Gwledig

Croesewir gohebiaeth yn Gymraeg neu Saesneg



Julie James AS/MS  
Y Gweinidog Newid Hinsawdd  
Minister for Climate Change



Llywodraeth Cymru  
Welsh Government

Ein cyf/Our ref: MA/JJ/1498/23

Huw Irranca-Davies AS  
Cadeirydd  
Y Pwyllgor Deddfwriaeth, Cyfiawnder a'r Cyfansoddiad  
Senedd Cymru  
Bae Caerdydd  
Caerdydd  
CF99 1SN

26 Mehefin 2023

Annwyl Huw,

Rwy'n ysgrifennu er mwyn eich hysbysu bod Rheoliadau Trwyddedu Amgylcheddol (Cymru a Lloegr) (Diwygio) 2023 a fydd yn cael eu gosod gerbron Senedd Cymru yn fuan yn dod o dan gwmpas y Fframwaith Cyffredin ar gyfer Adnoddau a Gwastraff.

Yn gywir,

**Julie James AS/MS**  
Y Gweinidog Newid Hinsawdd  
Minister for Climate Change

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Gohebiaeth.Julie.James@llyw.cymru](mailto:Gohebiaeth.Julie.James@llyw.cymru)  
[Correspondence.Julie.James@gov.Wales](mailto:Correspondence.Julie.James@gov.Wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Tudalen y pecyn 19



---

## DATGANIAD YSGRIFENEDIG GAN LYWODRAETH CYMRU

---

|                |  |
|----------------|--|
| <b>TEITL</b>   | <b>Cadw deddfwriaeth Cymru yn gyfredol</b>                               |
| <b>DYDDIAD</b> | <b>26 Mehefin 2023</b>   |
| <b>GAN</b>     | <b>Mick Antoniw AS, Y Cwnsler Cyffredinol a Gweinidog y Cyfansoddiad</b> |

Fis Tachwedd diwethaf, fel rhan o'm diweddariad ar raglen [Dyfodol Cyfraith Cymru](#), rhoddais wybod i chi ein bod wedi cymryd cam mawr tuag at sicrhau bod defnyddwyr yn gallu cael mynediad at gyfreithiau Cymru ar ffurf gyfoes yn y ddwy iaith ar [deddfwriaeth.co.uk](http://deddfwriaeth.co.uk). Fe wnes i hefyd addo rhoi diweddariad ar y gwaith i'r Aelodau.

Ein ffocws cychwynnol fu sicrhau bod y Deddfau a'r Mesurau a basiwyd gan y Senedd ers 2007 wedi eu diweddarau'n llwyr, yn y ddwy iaith. Rwy'n falch o adrodd bod bron i 80% o destunau Saesneg deddfwriaeth sylfaenol, ac ychydig dros 66% o'r testunau Cymraeg, bellach wedi eu diweddarau. Mae hyn yn gynnydd sylweddol, yn enwedig mewn perthynas â'r testunau Cymraeg gan nad oedd yr un ohonynt wedi'u diweddarau cyn i'n prosiect ddechrau.

Mae dros 6,000 o Offerynnau Statudol Cymru, ond nid yw tua 68% ohonynt wedi eu diwygio felly nid oes angen eu diweddarau. Fodd bynnag, mae newidiadau dros nifer o flynyddoedd i'r 32% sy'n weddill yn dal i adael cryn dipyn o waith golygyddol, ac yn ystod yr wythnosau diwethaf mae gwaith wedi dechrau ar gymhwyso'r diwygiadau Cymraeg i'r testunau hyn. Rydym eisoes wedi gwneud rhyw 5% o'r diwygiadau y mae angen eu dangos ond rwy'n rhagweld y bydd yn cymryd nifer o flynyddoedd leihau'r gwaith sydd wedi cronni.

Ein dull o fynd i'r afael â'r gwaith sydd wedi cronni fydd sicrhau bod yr offerynnau a wnaed yn fwyaf diweddar yn cael eu diweddarau'n gyntaf, cyn i ni weithio'n ôl tuag at yr offerynnau hynaf. Fodd bynnag, rydym hefyd yn gweithio ar yr eitemau deddfwriaeth y mae pobl yn edrych arnynt amlaf ar [legislation.gov.uk](http://legislation.gov.uk), yn ogystal â phrosiectau unigol. Er enghraifft, mae diweddarau'r holl Ddeddfau ac Offerynnau Statudol sy'n ymwneud â'r ddeddfwriaeth "rhentu cartrefi" yn flaenoriaeth.

Byddaf yn parhau i ddiweddau'r Aelodau ar y gwaith hwn, gan gynnwys yn yr adroddiad blynyddol ar y rhaglen i wella hygyrchedd cyfraith Cymru a fydd yn cael ei osod gerbron y Senedd yn ddiweddarach eleni.



Ein cyf/Our ref JJ/01758/23

Huw Irranca-Davies AS  
Cadeirydd y Pwyllgor Deddfwriaeth, Cyfiawnder a'r Cyfansoddiad  
Senedd Cymru

SeneddDCC@senedd.cymru

27 Mehefin 2023

Annwyl Huw

Diolch i chi ac i aelodau'r Pwyllgor Deddfwriaeth, Cyfiawnder a'r Cyfansoddiad am ystyried y Memorandwm Cydsyniad Deddfwriaethol Atodol (Memorandwm Rhif 3) mewn perthynas â Bil Ffyniant Bro ac Adfywio Llywodraeth y DU (y Bil).

Rwyf yn croesawu'r adroddiad ac yn nodi pryder parhaus y Pwyllgor ynghylch dull munud olaf Llywodraeth y DU o ddrafftio. Rwyf yn rhannu'r rhwystredigaeth honno.

**Argymhelliad 1. Dylai'r Gweinidog ddatgan pryd y daeth Llywodraeth Cymru yn ymwybodol gyntaf o welliannau i gymal 139 ac egluro'n llawnach yr oedi wrth osod Memorandwm Rhif 3, yn enwedig pan fo cwmpas y materion sydd ynddo yn gymharol gul.**

Tynnwyd sylw Llywodraeth Cymru at welliannau Llywodraeth y DU i gymal 139 drwy ohebiaeth a ddaeth i law ar 27 Mawrth, ac ni chrybwyllwyd y rhain yn y cyfarfod gweinidogol ar 22 Mawrth. Yn y llythyr gan yr Adran Ffyniant Bro, Tai a Chymunedau, gofynnwyd am farn Llywodraeth Cymru am eu hasesiad ynghylch a oedd angen Cynnig Cydsyniad Deddfwriaethol yn achos rhestr hir o welliannau penodol. Er mai cwmpas cymharol gul oedd i'r gwelliannau i gymal 139 yr oedd cydsyniad y Senedd yn ofynnol ar eu cyfer, roedd angen adolygu pob gwelliant er mwyn cadarnhau a oedd unrhyw welliannau eraill wedi'u cwmpasu gan Reol Sefydlog 29. Dyna pam y cafwyd oedi cyn cyflwyno'r memorandwm cydsyniad atodol.

**Argymhelliad 2. Dylai'r Gweinidog gadarnhau a yw Llywodraeth Cymru wedi cynnal asesiad manwl o'r graddau y byddai Bil gan Lywodraeth Cymru sy'n ceisio gwneud darpariaeth mewn perthynas â data cynllunio ac adroddiadau canlyniadau amgylcheddol yn ymdrin â materion a gedwir yn ôl. Os nad yw wedi gwneud hynny, dylai'r Gweinidog esbonio pam.**

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Gohebiaeth.Julie.James@llyw.cymru](mailto:Gohebiaeth.Julie.James@llyw.cymru)  
[Correspondence.Julie.James@gov.Wales](mailto:Correspondence.Julie.James@gov.Wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

**Tudalen y pecyn 21**  
We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Gallaf gadarnhau bod fy swyddogion polisi wedi ystyried y graddau y byddai Bil gan Lywodraeth Cymru sy'n ceisio gwneud darpariaeth mewn perthynas â Data Cynllunio ac Adroddiadau Canlyniadau Amgylcheddol yn ymdrin â materion a gedwir yn ôl, a hynny yng nghyd-destun asesu'r darpariaethau at ddibenion llunio'r Memorandwm Cydsyniad Deddfwriaethol ar gyfer y Bil hwn yn unig.

Nid yw fframwaith a fyddai'n cymryd lle Asesu Effeithiau Amgylcheddol (AEA) yn flaenoriaeth bolisi ar hyn o bryd yn y Rhaglen Lywodraethu bresennol. O ganlyniad, nid oes dadansoddiad manwl ar wahân wedi'i gynnal o newid ehangach i'r system, gan nad oedd angen gwneud hynny.

**Argymhelliad 3. Dylai'r Gweinidog gyhoeddi unrhyw asesiad a gynhelir o'r graddau y byddai Bil gan Lywodraeth Cymru sy'n ceisio gwneud darpariaeth mewn perthynas â data cynllunio ac adroddiadau canlyniadau amgylcheddol yn ymdrin â materion a gedwir yn ôl.**

Gweler fy ymateb i argymhelliad 2.

**Argymhelliad 4. Dylai'r Gweinidog fynd i'r afael yn llawnach ag argymhelliad 6 yn ein hadroddiad gwreiddiol ac, yn ogystal, egluro'r hyn fyddai'r effaith ar Weinidogion Cymru pe na ellid gwrthdroi'r ddarpariaeth yng nghymal 128(2) o'r Bil fel y'i cyflwynwyd a pha gamau y byddai'r Gweinidog yn eu cymryd o ganlyniad i hynny.**

Mae'r ddarpariaeth yng nghymal 128(2) yn amodol ar p'un a yw'r dull Adroddiadau Canlyniadau Amgylcheddol yn cael ei fabwysiadu yng Nghymru. Felly, mae'r trafodaethau rhwng swyddogion hyd yma wedi canolbwyntio ar y darpariaethau o sylwedd ac nid ydynt wedi ailadrodd ein gwrthwynebiad i ddileu'r adran hon.

Os daw'n angenrheidiol dileu pwerau'r Ysgrifennydd Gwladol i wneud rheoliadau mewn meysydd datganoledig, byddwn i yn ceisio sicrhau bod y ddarpariaeth yng nghymal 128(2) yn gymwys i Loegr yn unig.

Mae Adran 71A o Ddeddf Cynllunio Gwlad a Thref 1990 yn darparu rhai pwerau cyfyngedig i wneud rheoliadau er mwyn mynd i'r afael ag AEA yn achos cynllunio gwlad a thref, ond nid yw'n darparu ar gyfer diwygio'r broses AEA gyfan. Y rheswm am hyn yw, ers i'r adran gael ei chyflwyno gan Ddeddf Cynllunio a Digolledu 1991, mae'r system AEA wedi esblygu y tu hwnt i gyfyngiadau'r cymal drwy ddefnyddio pwerau yn Neddf y Cymunedau Ewropeaidd 1972. Felly, byddai colli adran 71A yn effeithio ar allu Gweinidogion Cymru i wneud rheoliadau ar gyfer rhan gychwynnol gweithdrefnau AEA yng nghyswllt cynllunio gwlad a thref cyn i ganiatâd cynllunio gael ei roi.

Drwy golli adran 71A, yn absenoldeb pwerau i wneud rheoliadau yng nghyswllt Adroddiadau Canlyniadau Amgylcheddol, byddai gweithdrefnau AEA ar gyfer cynllunio gwlad a thref yng Nghymru yn aros yn eu hunfan, fel y cyfundrefnau cydsynio datganoledig eraill sy'n ddarostyngedig i AEA. Ni fyddai unrhyw newid deddfwriaethol yn cael ei gynnig i gywiro hyn yn y tymor byr oherwydd blaenoriaethau polisi eraill.

**Argymhelliad 5. Dylai'r Gweinidog roi'r wybodaeth ddiweddaraf ar unwaith am ei thrafodaethau â Llywodraeth y DU, gan gynnwys p'un a ddarparwyd y testun drafft sy'n darparu ar gyfer pwerau cyfatebol a gynigiwyd ar 22 Mawrth 2023, ac os felly, pryd y gwnaed hynny.**

Ers i bwerau cyfatebol gael eu cynnig yn y cyfarfod rhwng y Gweinidog Cyfiawnder Cymdeithasol a'r Is-ysgrifennydd Gwladol Seneddol (Ffyniant Bro) ar 22 Mawrth 2023, nid  
Tudalen y pecyn 22

ydym wedi cael gwelliannau drafft sy'n darparu ar gyfer pwerau cyfatebol. Ar 31 Mai, cafodd swyddogion gymalau drafft ynghylch Data Cynllunio ac Adroddiadau Canlyniadau Amgylcheddol sy'n darparu ar gyfer dull cydredol plws yn achos y materion hynny sydd o fewn cymhwysedd deddfwriaethol y Senedd—a hynny fel y gall Gweinidogion Cymru a Llywodraeth y DU ddeddfu mewn meysydd datganoledig, ond dim ond os bydd Llywodraeth y DU yn cael cydsyniad Gweinidogion Cymru ymlaen llaw. Mae hefyd yn ofynnol i Lywodraeth y DU ymgynghori â Gweinidogion Cymru yn achos y materion hynny a gedwir yn ôl ond lle y mae gan Weinidogion Cymru gymhwysedd gweithredol.

Mae swyddogion wedi cyflwyno ymateb manwl i Lywodraeth y DU, gan awgrymu newidiadau i'r gwelliannau arfaethedig a fyddai'n adlewyrchu polisi a deddfwriaeth Llywodraeth Cymru yn well. Rydym yn aros am ymateb. Nid yw'r gwelliannau arfaethedig wedi'u cyflwyno'n ffurfiol.

**Argymhelliad 6. Dylai'r Gweinidog egluro pa gamau y bydd yn eu cymryd os yw'n:**  
**(i) methu sicrhau cytundeb ar ddarpariaethau presennol sy'n ymwneud â data cynllunio ac adroddiadau canlyniadau amgylcheddol, ac yn methu sicrhau cytundeb ar gymhwyso'r darpariaethau hyn i Loegr yn unig;**  
**(ii) gallu sicrhau cytundeb ar gymhwyso darpariaethau presennol sy'n ymwneud â data cynllunio ac adroddiadau canlyniadau amgylcheddol i Loegr yn unig.**

Bydd Adroddiadau Canlyniadau Amgylcheddol yn effeithio ar gyfundrefnau cydsynio Cymru yn anuniongyrchol hyd yn oed os nad yw'r Ysgrifennydd Gwladol yn gwneud rheoliadau i Gymru. Y rheswm am hyn yw y bydd yn rhaid i gyrff statudol datganoledig—Cyfoeth Naturiol Cymru yw'r brif enghraifft o'r rhain—ymateb i ymgynghoriadau ar gyfundrefnau cydsynio a gedwir yn ôl, fel y Prosiectau Seilwaith o Arwyddocâd Cenedlaethol, a fydd yn ddarostyngedig i'r dull Adroddiadau Canlyniadau Amgylcheddol.

Yn y ddwy sefyllfa, bydd angen gweithio gyda Llywodraeth y DU i leihau'r effaith y bydd unrhyw reoliadau Data Cynllunio ac Adroddiadau Canlyniadau Amgylcheddol a wneir gan yr Ysgrifennydd Gwladol yn ei chael ar gyfundrefnau cydsynio datganoledig. Bydd angen hynny yn arbennig pan fo'n debygol y bydd mwy o brosiectau ar draws awdurdodaethau, fel mewn ardaloedd morol. Mewn sefyllfa pan fo Llywodraeth y DU yn cadw'r gallu i ddeddfu ar gyfer cyfundrefnau cydsynio datganoledig heb gydsyniad, byddwn yn parhau i wrthwynebu rheoliadau o'r fath.

Pan fo Gweinidogion Cymru yn ennill pwerau i wneud rheoliadau ar gyfer Data Cynllunio ac Adroddiadau Canlyniadau Amgylcheddol, nid wyf yn bwriadu i reoliadau gael eu brysio drwodd heb i randdeiliaid yng Nghymru gael digon o gyfleoedd i gymryd rhan yn y broses o gynllunio dull gweithredu sy'n briodol i Gymru yng nghyswllt adroddiadau o'r fath.

Yn gywir



**Julie James AS/MS**

Y Gweinidog Newid Hinsawdd  
Minister for Climate Change

Tudalen y pecyn 23



Llywodraeth Cymru  
Welsh Government

Ein cyf/Our ref MA/JJ/1462/23

Rachel Maclean MP  
Minister of State for Housing and Planning  
2 Marsham Street  
London  
SW1P 4DF

27 June 2023

Dear Rachel,

Thank you for your letter of 17 May, in relation to the introduction to Parliament of the Renters (Reform) Bill.

Your letter outlines the areas where the Bill has an effect on Wales, and your view that the consent of the Senedd is required for the changes it makes to Part 7 of the Housing Act 1996. On face value it does appear that the saving by SI 2015/1272 of the homelessness regime outlined in Part 7 could mean that the Renters (Reform) Bill proposes provision within the legislative competence of the Senedd, and I am grateful to you for drawing this to my attention. However, more detailed consideration by my officials has concluded that, in particular as a consequence of the implementation of the Renting Homes (Wales) Act 2016 on 1 December 2022, which abolished assured tenancies in Wales, this is not the case.

I trust that you will accept my analysis of the devolved competence in this area, and that you will therefore update your Bill materials to reflect our revised position on this point.

Yours sincerely

**Julie James AS/MS**  
Y Gweinidog Newid Hinsawdd  
Minister for Climate Change

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Gohebiaeth.Julie.James@llyw.cymru](mailto:Gohebiaeth.Julie.James@llyw.cymru)  
[Correspondence.Julie.James@gov.Wales](mailto:Correspondence.Julie.James@gov.Wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

**Tudalen y pecyn 24**  
We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Mae cyfyngiadau ar y ddogfen hon



Elin Jones AS  
Llywydd  
Senedd Cymru  
Bae Caerdydd  
Caerdydd  
CF99 1SN  
[Llywydd@senedd.cymru](mailto:Llywydd@senedd.cymru)

29 Mehefin 2023

Annwyl Elin

Cyflwynodd Llywodraeth y DU y Bil Ynni ('y Bil') i Senedd y DU, Tŷ'r Arglwyddi, ar 6 Gorffennaf 2022. Cafodd taith y Bil ei hatal am gyfnod, cyd iddo ailgychwyn ar ei daith ar ddiwedd 2022, a disgwylir i nifer o welliannau llywodraeth gael eu cyflwyno yn ystod camau olaf taith y Bil drwy Senedd y DU.

Yr amcanion polisi mae Llywodraeth y DU wedi'u datgan yw helpu i gynyddu cadernid a dibynadwyedd systemau ynni ledled y DU, cefnogi'r gwaith o gyflawni ymrwymadau'r DU mewn perthynas â newid hinsawdd a diwygio system ynni'r DU, wrth leihau costau i ddefnyddwyr cymaint ag y bo modd a'u hamddiffyn rhag prisiau annheg.

Mae'r Bil yn gymhleth, mae ei gwmpas yn eang ac mae'n cyflwyno nifer o gyfundrefnau rheoleiddio sylweddol i ddeddfwriaeth – yn benodol ym meysydd cludo a storio carbon deuocsid a hydrogen. Mae'r Bil yn seiliedig ar dair egwyddor: ysgogi buddsoddiadau mewn technolegau glân; trawsnewid system ynni'r DU a diogelu cwsmeriaid; a chynnal diogelwch, dibynadwyedd a chadernid y system ynni ledled y DU. Mae hyd a chymhlethdod y Bil wedi arwain at yr angen am ddadansoddiadau hir a manwl o'r polisi a'r safbwynt cyfansoddiadol.

Mae nifer fawr o'r pwerau sy'n gysylltiedig â pholisi ynni wedi'u cadw'n ôl. Fodd bynnag, o ystyried cymhlethdod pwerau a gedwir yn ôl a phwerau datganoledig, bydd angen cydsyniad mewn nifer o feysydd. Mae Gweinidogion Cymru wedi ysgrifennu at Lywodraeth y DU i leisio pryderon nad yw'r Bil fel y mae wedi'i ddrafftio yn parchu cymhwysedd deddfwriaethol y Senedd, na chyfrifoldebau datganoledig Gweinidogion Cymru, ac y dylai Llywodraeth y DU geisio cydsyniad Gweinidogion Cymru ar gyfer unrhyw is-ddeddfwriaeth sy'n effeithio ar gymhwysedd datganoledig. Mae Llywodraeth Cymru yn argymhell gwrthod rhoi cydsyniad ar gyfer y cymalau perthnasol ar yr adeg hon, a gosodais y Memorandwm Cydsyniad Deddfwriaethol ar 29 Mehefin 2023.

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Gohebiaeth.Julie.James@llyw.cymru](mailto:Gohebiaeth.Julie.James@llyw.cymru)  
[Correspondence.Julie.James@gov.Wales](mailto:Correspondence.Julie.James@gov.Wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Rwy'n sylweddoli bod y dyddiad cau arferol ar gyfer gosod Memorandwm Cydsyniad Deddfwriaethol o dan Reol Sefydlog wedi hen fynd heibio. Bu hyn yn rhannol oherwydd y ffordd mae Llywodraeth y DU wedi ymdrin â'r Bil, ond hefyd oherwydd cymhlethdod y materion sy'n cael eu hystyried. Mae'r Memorandwm Cydsyniad Deddfwriaethol yn ymdrin â'r Bil fel y cafodd ei gyflwyno. Fodd bynnag, fel y nodwyd uchod, rydym yn ymwybodol o welliannau a wnaed wedyn, ac rydym yn disgwyl i Lywodraeth y DU wneud rhagor o newidiadau i'r Bil wrth i Dŷ'r Arglwyddi barhau i'w ystyried. O ganlyniad, bydd angen Memorandwm Cydsyniad Deddfwriaethol atodol, a fydd yn cael ei osod cyn gynted at y bo modd. Disgwylir i'r Bil symud drwy gamau olaf Senedd y DU, ac ni ddisgwylir i Gyfnod Adrodd Tŷ'r Cyffredin gael ei gynnal cyn 13 Gorffennaf 2023.

Rwy'n anfon copi o'r llythyr hwn at y Cwnsler Cyffredinol a Gweinidog y Cyfansoddiad, Mick Antoniw AS, y Gweinidog Materion Gwledig a Gogledd Cymru, a'r Trefnydd, Lesley Griffiths AS, a Chadeirydd y Pwyllgor Deddfwriaeth, Cyfiawnder a'r Cyfansoddiad, Huw Irranca-Davies AS.

Yn gywir



**Julie James AS**

Y Gweinidog Newid Hinsawdd  
Minister for Climate Change

# MEMORANDWM CYDSYNIAD DEDDFWRIAETHOL

## Y BIL YNNI

- 1) Gosodir y Memorandwm Cydsyniad Deddfwriaethol hwn o dan Reol Sefydlog 29.2. Mae Rheol Sefydlog 29 yn rhagnodi bod rhaid gosod memorandwm cydsyniad deddfwriaethol (LCM), ac y ceir cyflwyno cynnig cydsyniad deddfwriaethol, gerbron Senedd Cymru os yw Bil Seneddol y DU yn gwneud darpariaeth mewn perthynas â Chymru at unrhyw ddiben sydd o fewn, neu sy'n addasu cymhwysedd deddfwriaethol Senedd Cymru.
- 2) Cafodd y Bil Ynni ("y Bil") ei gyflwyno yn Nhŷ'r Arglwyddi ar 6 Gorffennaf 2022. Mae'r Bil ar gael yma: [Energy Bill \[HL\] - Parliamentary Bills - UK Parliament](#). Cafodd taith y Bil ei hatal am gyfnod cyn ailddechrau ar ddiwedd 2022. Mae'r Bil yn gymhleth ac mae ei gwmpas yn eang, ac mae'n cyflwyno nifer o gyfundrefnau rheoleiddio sylweddol i ddeddfwriaeth – yn benodol ym meysydd cludo a storio carbon deuocsid a hydrogen. Mae hyn wedi arwain at yr angen am ddadansoddiadau trwyadl o safbwynt polisi a'r cyfansoddiad.

### Amcan(ion) polisi

- 3) Mae Llywodraeth y DU yn amlinellu diben a phrif swyddogaethau'r Bil yn y Nodiadau Esboniadol cysylltiedig<sup>1</sup>. Yr amcanion polisi mae Llywodraeth y DU wedi'u datgan yw helpu i gynyddu cadernid a dibynadwyedd systemau ynni ledled y DU, cefnogi'r gwaith o gyflawni ymrwymadau'r DU mewn perthynas â newid hinsawdd a diwygio system ynni'r DU, wrth leihau costau i ddefnyddwyr cymaint ag y bo modd a'u hamddiffyn rhag prisiau annheg.

### Crynodeb o'r Bil

- 4) Noddir y Bil gan yr Adran Diogelwch Ynni a Sero Net.
- 5) Mae'r Bil yn seiliedig ar dair egwyddor: Ysgogi buddsoddiadau mewn technolegau glân; diwygio system ynni'r DU a diogelu cwsmeriaid; a chynnal diogelwch, diogeledd a chadernid y system ynni ledled y DU.
- 6) O ran ysgogi buddsoddiadau mewn technolegau newydd, mae Rhannau 1, 2 a 3 o'r Bil yn cynnwys darpariaethau i sicrhau bod system ynni carbon isel yn cael ei datblygu, i leihau allyriadau o ddiwydiant, trafniadaeth ac, o bosibl, gwres, a darparu ynni carbon isel. Mae'r mesurau hyn yn cynnwys:

---

<sup>1</sup> [Energy Bill \[HL\] publications - Parliamentary Bills - UK Parliament](#)



- a) Sefydlu cyfundrefn rheoleiddio economaidd a thrwyddedu ar gyfer cludo a storio CO<sub>2</sub> gydag Ofgem (Swyddfa Marchnadoedd Nwy a Thrydan) fel y rheoleiddiwr economaidd.
  - b) Galluogi'r Llywodraeth i gyflwyno a gweinyddu modelau busnes ar gyfer hydrogen a dal carbon, gan gynnwys cyflwyno ardoll hydrogen newydd.
  - c) Sefydlu mecanwaith sy'n seiliedig ar y farchnad ar gyfer gwres carbon isel.
  - d) Galluogi cynnal treial effeithiol a diogel ar gyfer gwres hydrogen mewn pentref mawr.
  - e) Hepgor cyfleusterau ynni ymasiad o ofynion trwyddedu safleoedd niwclear o dan Ddeddf Safleoedd Niwclear 1965.
- 7) O ran diwygio'r system a diogelu defnyddwyr, mae Rhannau 4 – 9 o'r Bil yn cynnwys darpariaethau i sicrhau bod fframweithiau marchnadoedd a threfniadau llywodraethu wedi'u cynllunio i gynyddu diogeledd ynni a sicrhau system ynni sero net, wrth leihau costau i ddefnyddwyr cymaint ag y bo modd. Mae'r mesurau hyn yn cynnwys:
- a) Sefydlu Gweithredwr a Chynllunydd Systemau Annibynnol, corff annibynnol sy'n gweithredu fel llais y gellir ymddiried ynddo yng nghanol y sector ynni.
  - b) Diwygio'r fframwaith llywodraethu presennol ar gyfer codau ynni, gan gynnwys rhoi swyddogaethau newydd i Ofgem i ddarparu arweiniad a goruchwyliaeth strategol ar godau, a chreu categori newydd o reolwyr codau mwy annibynnol i sicrhau system well ar gyfer defnyddwyr a rhagor o gystadleuaeth.
  - c) Sicrhau tendrau cystadleuol o fewn rhwydweithiau trydan ar y tir.
  - d) Galluogi'r Awdurdod Cystadleuaeth a Marchnadoedd i gynnal ymchwiliadau mwy effeithio i'r effeithiau pan fydd cwmnïau'n uno.
  - e) Cyflwyno diffiniad o ryng-gysylltwyr aml-ddiben i fod yn sail i ddatblygu cyfundrefn trwyddedu a rheoleiddio economaidd newydd.
  - f) Cadw'r cap ynni presennol y tu hwnt i 2023.
  - g) Egluro bod storio ynni yn is-set ar wahân o gynhyrchu yn Neddf Trydan 1989.
  - h) Tynnu trothwyon rhwymedigaeth o dan y Cynllun Rhwymedigaeth Cwmnïau Ynni.
  - i) Hyrwyddo'r broses o gyflwyno mesuryddion deallus ledled Prydain Fawr.
  - j) Rheoleiddio'r farchnad rhwydweithiau gwres.
  - k) Cyflwyno parthau rhwydweithiau gwres mewn ardaloedd lle mai nhw yw'r ateb mwyaf hyfyr ar gyfer datgarboneiddio gwres.
  - l) Gosod gofynion rheoleiddio ar gyfer dyfeisiau sy'n defnyddio ynni mewn ffordd ddeallus, gan gynnwys galluogi swyddogaeth ddeallus orfodol ar gyfer dyfeisiau gwresogi trydan a manau gwefru cerbydau trydan, a sefydlu fframwaith rheoleiddio newydd ar gyfer y gweithredwyr sy'n rheoli'r dyfeisiau hyn.
  - m) Sicrhau bod y gyfundrefn ar gyfer perfformiad eiddo o ran ynni yn addas i'r diben ac yn adlewyrchu uchelgeisiau'r DU mewn perthynas â newid hinsawdd, gan gynnwys cefnogi'r gwaith i gyrraedd targed y DU ar gyfer allyriadau nwyon tŷ gwydr sero-net erbyn 2050.

- 8) O ran diogelwch, diogeledd a chadernid system ynni'r DU, mae Rhannau 10, 11 a 12 o'r Bil yn cynnwys darpariaethau mewn perthynas â chyflenwad diogel a chadarn o danwyddau craidd ar gyfer y DU, i sicrhau bod y DU yn wlad niwclear gyfrifol a chymryd camau hanfodol i ddiogelu Silff Cyfandirol y DU wrth newid i fod yn sero-net. Mae'r mesurau hyn yn cynnwys:
- a) Lleihau'r risg o darfu ar y cyflenwad tanwydd a gwella cadernid cyflenwadau tanwydd yn y sector tanwyddau craidd.
  - b) Sicrhau bod y gyfundrefn rheoleiddio amgylcheddol ar gyfer olew a nwy ar y môr yn parhau i fod yn effeithiol, er mwyn cynnal y safonau amgylcheddol presennol a hwyluso'r diwydiant olew a nwy ar y môr i fod yn sero-net
  - c) Diwygio Deddf Petrolewm 1998 i newid y gyfundrefn ffioedd a'r mecanwaith adennill costau ar gyfer rheoleiddio a datgomisiynu gweithgareddau cynhyrchwyr olew a nwy ar y môr.
  - d) Rhoi pwerau i Awdurdod Pontio Môr y Gogledd (a elwir hefyd yr Awdurdod Olew a Nwy neu OGA) i sicrhau bod seilwaith olew a nwy a storio carbon y DU yn parhau i fod yn nwylo'r cwmnïau sydd yn y sefyllfa orau i'w weithredu neu ei ddatgomisiynu.
  - e) Ei gwneud yn gwbl glir bod angen trwydded ar safleoedd niwclear penodol a leolir yn llwyr neu'n rhannol yn neu o dan y môr tiriogaethol sy'n gyfagos â'r DU, a'u bod yn cael eu rheoleiddio gan y Swyddfa Rheoleiddio Niwclear.
  - f) Diwygio'r fframwaith rheoleiddio ar gyfer camau terfynol y gwaith o ddatgomisiynu niwclear, gan sicrhau bod y DU yn cydymffurfio ag argymhellion y cytunwyd arnynt yn rhyngwladol ar gyfer dod ag atebolrwydd niwclear trydydd parti i ben, a galluogi dad-drwyddedu safleoedd niwclear ynghynt nag sy'n bosibl ar hyn o bryd.
  - g) Gwella cyfundrefn atebolrwydd niwclear trydydd parti'r DU drwy alluogi'r DU i ymaelodi â'r Confensiwn ar Ddigollediad Atodol am Niwed Niwclear drwy ddiwygiadau i Ddeddf Safleoedd Niwclear 1965.
  - h) Diwygio cylch gwaith a phwerau'r Heddlu Niwclear Sifil i sicrhau eu bod yn gallu cefnogi safleoedd seilwaith hanfodol eraill a helpu awdurdodau gorfodi polisi eraill.
- 9) Ni chafodd Llywodraeth Cymru ei chynnwys yn y gwaith o ddatblygu'r Bil cyn iddo gael ei gyflwyno. Bu rhywfaint o ymwneud â'r Bil o ganlyniad i waith datblygu polisiau – er enghraifft drwy ymgynghoriadau yn y gorfennol ar nifer o bolisiau. Cafodd rhai cymalau eu rhannu ar ffurf drafft; fodd bynnag, nid oedd y testun cyfreithiol llawn ar gael i'w adolygu tan ychydig o oriau cyn i'r Bil gael ei gyflwyno yn Nhŷ'r Arglwyddi.
- 10) Ar hyn o bryd mae amrediad eang o ddarnau o ddeddfwriaeth yn llywodraethu system ynni'r DU, ac mae nifer o'r rhain yn cael eu diwygio gan y Bil. Mae'r rhain yn cynnwys Deddf Ynni 2008, Deddf Nwy 1986, Deddf Trydan 1989, Deddf Petrolewm 1998 a Deddf Newid yn yr Hinsawdd 2008. Mae'r newidiadau i ddeddfwriaeth yn y Nodiadau Esboniadol sydd ar gael yma: [Energy Bill \[HL\] publications - Parliamentary Bills - UK Parliament](#)

## **Darpariaethau yn y Bil y ceisir cydsyniad ar eu cyfer**

- 11) Rwyf o'r farn bod angen cydsyniad mewn perthynas â'r darpariaethau a nodir isod, yn gymaint ag y maent yn "ddarpariaethau perthnasol" at ddibenion Rheol Sefydlog 29. Nodwch fod rhifau unrhyw gymalau'n cydfynd â'r rhifau yn y Bil fel y'i cyflwynwyd.
- 12) Mae nifer fawr o'r pwerau sy'n gysylltiedig â pholisi ynni wedi'u cadw'n ôl. Fodd bynnag, o ystyried cymhlethdod pwerau a gedwir yn ôl a phwerau datganoledig, bydd angen cydsyniad deddfwriaethol mewn nifer o feysydd. Mae Gweinidogion Cymru wedi ysgrifennu at Lywodraeth y DU i leisio pryderon nad yw'r Bil fel y mae wedi'i ddrafftio yn parchu cymhwysedd deddfwriaethol y Senedd, na chyfrifoldebau datganoledig Gweinidogion Cymru, ac y dylai Llywodraeth y DU geisio cydsyniad Gweinidogion Cymru ar gyfer unrhyw is-ddeddfwriaeth sy'n effeithio ar gymhwysedd datganoledig. Mae Llywodraeth Cymru yn argymhell atal cydsyniad ar gyfer y cymalau perthnasol ar yr adeg hon.
- 13) Bydd Llywodraeth Cymru yn parhau i weithio gyda Llywodraeth y DU i sicrhau ffordd o ymdrin â'r darpariaethau sydd angen gwelliannau. Mae'n bosibl y bydd Llywodraeth Cymru yn cyflwyno memorandwm atodol a chynnig yn nes ymlaen yn ystod taith y Bil drwy Senedd y DU.

## **Darpariaethau y mae Llywodraeth Cymru yn argymhell cydsyniad ar eu cyfer**

- 14) Mae'r darpariaethau y mae Llywodraeth Cymru yn argymhell bod angen **cydsyniad** y Senedd ar eu cyfer yn cael eu crynhoi isod.

### **a) Rhan 1: Trwyddedu Cludo a Storio Carbon Deuocsid**

Mae'r Rhan hon yn sefydlu'r dyletswyddau a'r swyddogaethau i Ofgem weithredu fel y rheoleiddiwr economaidd ar gyfer cludo a storio CO<sub>2</sub>, a fframwaith trwyddedu economaidd ar gyfer gweithgareddau cludo a storio carbon. Mae dull sy'n cynnwys y DU gyfan yn cael ei ddefnyddio i sicrhau fframwaith rheoleiddio cyson ledled y DU, lle y disgwylir i rwydweithiau cludo a storio CO<sub>2</sub> groesi ffiniau tiriogaethol. Mae hefyd yn amlinellu pwerau helaeth ar gyfer yr Ysgrifennydd Gwladol i wneud rheoliadau, gwneud penderfyniadau a rhoi cyfarwyddydau i Ofgem mewn perthynas â'i waith o reoleiddio gweithgareddau cludo a storio CO<sub>2</sub>.

Mae angen LCM ar gyfer y darpariaethau y cyfeirir atynt isod am eu bod yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis dal, cludo a storio carbon deuocsid, ac nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.

#### Pennod 1: cymalau 20 – 25

Mae'r cymalau hyn yn dweud bod gan ddeiliad trwydded, neu ddefnyddiwr rhwydwaith cludo a storio y mae penderfyniad gan y rheoleiddiwr economaidd i addasu amod trwydded yn cael effaith sylweddol arno, yr hawl i apelio yn erbyn penderfyniad i addasu trwydded i'r Awdurdod Cystadleuaeth a Marchnadoedd. Mae'n amlinellu gweithdrefn a phŵer yr Awdurdod Cystadleuaeth a Marchnadoedd.

Bwriad hyn yw sicrhau bod y drefn briodol yn cael ei dilyn a bod digon o fesurau diogelu ar gyfer buddsoddwyr y gall addasiad arfaethedig i drwydded darfu ar eu hawliau yn ystod tymor y drwydded.

Nid oes gan Lywodraeth Cymru unrhyw bryderon ynghylch yr amodau hyn. Rydym yn cytuno bod eu hangen ac rydym yn argymhell rhoi cydsyniad.

#### **b) Rhan 2: Dal a storio carbon deuocsid ac ati, a chynhyrchu hydrogen**

Mae angen LCM ar gyfer y darpariaethau a restrir isod am eu bod yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis dal, cludo a storio carbon deuocsid, ac nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.

#### Pennod 4: cymalau 92 – 95 ac Atodlen 5

Mae'r cymalau hyn yn cyflwyno pwerau ymlaen llaw ar gyfer yr Awdurdod Olew a Nwy ynglŷn â newid rheolwyr cwmni mewn perthynas â phob Trwydded Storio Carbon, ac maent yn gwneud newid rheolwyr heb gydsyniad yr Awdurdod Olew a Nwy ymlaen llaw yn drosedd.

Mae gorgyffwrdd rhwng y cwmpas daearyddol a'r diriogaeth y mae gan y Senedd gymhwysedd yn eu cylch o dan adran 108A o Ddeddf Llywodraeth Cymru.

Mae'n bwysig nad yw trwyddedau'n destun newidiadau annymunol o ran rheolaeth, ac felly mae Llywodraeth Cymru yn argymhell rhoi cydsyniad.

#### Pennod 5: cymal 97

Mae Cymal 97 yn gwneud darpariaeth i'r Ysgrifennydd Gwladol wneud gwariant a darparu cymorth ariannol at ddiben annog, cefnogi neu hwyluso cludo a storio CO<sub>2</sub>, cyfleusterau dal carbon sy'n gweithredu ar y cyd â chludo a storio, cynhyrchu hydrogen carbon isel a chludo a storio hydrogen.

Bydd angen cymorth ariannol i gynyddu'r defnydd o'r dechnoleg hon. Felly mae Llywodraeth Cymru yn argymhell rhoi cydsyniad.

### **c) Rhan 3: Technoleg newydd**

Mae angen LCM ar gyfer y ddarpariaeth a restrir isod am ei bod yn ymwneud â materion diogelu'r amgylchedd a gwastraff, ac nid yw'n ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.

#### Cymal 111

Mae'r cymal hwn yn newid y diffiniad o "UK removals" yn adran 29(1)(b) o Ddeddf Newid yn yr Hinsawdd 2008 fel ei fod yn golygu mewn perthynas â nwy tŷ gwydr "removals of that gas from the atmosphere due to processes, mechanisms or activities".

Roedd y diffiniad blaenorol o "UK removals" yn Neddf Newid yn yr Hinsawdd 2008 yn cyfeirio at echdyniadau nwyon tŷ gwydr o'r atmosffer yn unig o ganlyniad i ddefnydd tir, newid defnydd tir neu weithgareddau coedwigaeth yn y Deyrnas Unedig. Drwy newid y diffiniad drwy'r Bil hwn, bydd echdyniadau wedi eu peiriannu hefyd yn dod o fewn y diffiniad.

Mae Llywodraeth Cymru o'r farn ei fod yn briodol ac yn argymhell rhoi cydsyniad.

### **d) Rhan 7: Rhwydweithiau Gwres**

#### Cymal 168(1)(b) a (2); a pharagraffau 33(1) a (3)(a) a (d) o Atodlen 15

#### *Cymal 168(1)(b)*

Mae'r ddarpariaeth hon yn galluogi'r Ysgrifennydd Gwladol i wneud darpariaeth drwy reoliadau at ddibenion rhoi pwerau mewn perthynas â datblygu neu gynnal rhwydweithiau gwres perthnasol.

Mae paragraff 101 o Atodlen 7A i Ddeddf Llywodraeth Cymru 2006 yn darparu ar gyfer mater a gedwir yn ôl mewn cysylltiad â "Production, distribution and supply of heat and cooling". Fodd bynnag, mae hefyd yn darparu ar gyfer eithriad i'r mater hwnnw a gedwir yn ôl, mewn cysylltiad â "Heat and cooling networks, but not the regulation of them". Mae'r ddarpariaeth (adran 168(1)(b)) o fewn yr eithriad i'r mater hwnnw a gedwir yn ôl, gan ei bod yn ymwneud â datblygu a chynnal rhwydweithiau gwres ac oeri.

*Cymal 168(2) a pharagraffau 33(1) a pharagraffau 33(1) a (3)(a) a (d) o Atodlen 15*

Mae cymal 168(2) yn darparu bod Atodlen 15 yn cynnwys darpariaeth bellach ynghylch y pwerau i wneud rheoliadau o dan gymal 168.

Mae paragraffau 33(1) a (3)(a) a (d), gyda'i gilydd, yn ei gwneud yn ofynnol i'r Ysgrifennydd Gwladol nodi mewn rheoliadau o'r fath yr hawliau sy'n ymwneud â thir y gellir eu rhoi i berson drwy drwydded gosod a chynnal a chadw, a gaiff gynnwys hawl i wneud cais i'r Ysgrifennydd Gwladol gaffael gorfodol o hawddfaint neu hawl arall dros dir drwy greu hawl newydd at ddiben gosod neu gynnal gwaith a chyfarpar sy'n ymwneud â rhwydwaith gwres; a hawl i ymgymryd â gwaith o ddisgrifiad penodedig heb fod angen cael caniatâd cynllunio.

Mae paragraff 184 o Atodlen 7A i Ddeddf Llywodraeth Cymru 2006 yn darparu ar gyfer mater a gedwir yn ôl mewn perthynas â chynllunio ("Planning...") ond mae'n un sydd wedi'i gyfyngu i faterion penodol, ac nid oes yr un ohonynt yn berthnasol. Mae'r ddarpariaeth, felly, o fewn cymhwysedd y Senedd o ran cynllunio'n ehangach.

Mae Llywodraeth Cymru yn fodlon bod yr hawliau a'r pwerau'n briodol ac yn gyson â seilwaith ynni arall. Felly rydym yn argymhell rhoi cydsyniad.

### **Darpariaethau y mae Llywodraeth Cymru yn argymhell bod y Senedd yn atal cydsyniad yn eu cylch**

- 15) Mae'r darpariaethau y mae Llywodraeth Cymru yn argymhell **atal cydsyniad** yn eu cylch yn cael eu crynhoi isod.

| Cymalau – Disgrifiad byr   | Pam mae angen Memorandwm Cydsyniad Deddfwriaethol (LCM)  | Argymhellir rhoi/atal cydsyniad a pham  |
|--|--|---|
| <p><b>Rhan 1: Trwyddedu cludo a storio carbon deuocsid</b></p> <p>Mae'r Rhan hon yn nodi'r dyletswyddau a'r swyddogaethau ar gyfer Ofgem i weithredu fel y rheoleiddiwr ar gyfer cludo a storio CO<sub>2</sub>, a fframwaith ar gyfer trwyddedu gweithgareddau cludo a storio CO<sub>2</sub>. Mae dull sy'n cynnwys y DU gyfan yn cael ei ddefnyddio i sicrhau fframwaith rheoleiddio cyson ledled y DU, lle y disgwylir i rwydweithiau cludo a storio CO<sub>2</sub> groesi ffiniau tiriogaethol.</p> |  |   |
| <p><b>Pennod 1: Trwyddedu gweithgareddau</b></p> <p>Mae Pennod 1 yn ymwneud â thrwyddedu gweithgareddau, gan gynnwys storio a chludo CO<sub>2</sub>. Mae'n nodi mai Ofgem yw'r Rheoleiddiwr Economaidd ar gyfer cludo a storio CO<sub>2</sub>, yn gwahardd cludo CO<sub>2</sub> drwy biblinell neu weithredu safle ar gyfer storio CO<sub>2</sub> o dan y ddaear heb drwydded, ac yn galluogi'r Ysgrifennydd Gwladol i reoleiddio ffyrdd eraill o gludo CO<sub>2</sub> yn y dyfodol.</p>               | <p><b>Mae angen LCM ar gyfer cymalau 1-19, 26-35 ac Atodlen 1.</b></p> <p>Mae angen LCM ar gyfer y darpariaethau hyn am eu bod yn deddfu ym maes datganoledig storio carbon deuocsid.</p> <p>Mae'r darpariaethau yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis dal, cludo a storio carbon deuocsid, ac nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.</p> | <p>Mae Llywodraeth Cymru yn argymhell atal cydsyniad ar gyfer cymalau 1–19, 26–35 ac Atodlen 1, am yr argymhellir gwelliannau neu esboniadau.</p> <p>Mae Llywodraeth Cymru yn gofyn am y gwelliannau canlynol:<br/> Cymal 1: Gwelliant i gynnwys cyfrannu at dargedau Llywodraeth y DU a'r Llywodraethau Datganoledig ar gyfer yr hinsawdd, fel un o brif amcanion y rheoleiddio economaidd.<br/> Cymalau 2 a 3: Am fod cymal 2(3)(b) yn rhoi pwerau i'r Ysgrifennydd Gwladol i wneud rheoliadau sy'n nodi dulliau eraill o gludo nwy sydd i fod yn "ddulliau cludo trwyddedig", gofynnir i'r gofyniad yng nghymal 3 i'r Ysgrifennydd Gwladol hysbysu Gweinidogion Cymru os yw'r rheoliadau'n cynnwys darpariaeth a fyddai o fewn cymhwysedd datganoledig, gael ei gryfhau i fod yn ofyniad i gael cydsyniad Gweinidogion Cymru. Hefyd, mae cymal 2(7) yn darparu i'r Ysgrifennydd Gwladol hefyd addasu neu ddirymu darpariaeth yn y Ddeddf hon neu ddeddfiadau eraill, ac felly addasu cymalau mewn perthynas â modelau trwyddedau. Gallai'r pŵer ehangach</p> |

|  |   |  |
|--|---|--|
|  | <p><b>Mae cymal 1 yn nodi prif amcanion a dyletswyddau cyffredinol</b> yr Ysgrifennydd Gwladol a'r Rheoleiddiwr Economaidd.</p> <p><b>Mae cymalau 2 – 6 yn ymwneud â gweithgareddau y mae angen trwydded ar eu cyfer:</b></p> <p>Mae cymal 2 yn cynnwys trosedd cynnal gweithgareddau heb drwydded.</p> <p>Mae cymal 3 yn ymwneud â'r gofynion i'r Ysgrifennydd Gwladol ymgynghori ynghylch cynigion i ychwanegu gweithgareddau y mae angen trwydded ar eu cyfer.</p> <p>Mae cymal 4 yn amlinellu cwmpas tiriogaethol y gwaharddiad</p> <p>Mae cymal 5 yn darparu i'r Ysgrifennydd Gwladol wneud rheoliadau i roi esemptiad o'r gwaharddiad.</p> <p>Mae cymal 6 yn darparu i'r Ysgrifennydd Gwladol ddirymu rheoliadau y rhoddwyd esemptiad o'r gwaharddiad o danynt.</p> | <p>hwn hefyd arwain at yr Ysgrifennydd Gwladol yn creu amodau trwydded economaidd sy'n gwrthdaro â swyddogaethau gweithredol Llywodraeth Cymru mewn perthynas â thrwyddedau a'r amgylchedd. Mae Llywodraeth Cymru yn gofyn am welliannau i esbonio ehangder y pwerau hyn.</p> <p>Cymal 5: Pan fydd yr Ysgrifennydd Gwladol yn rhoi esemptiadau o'r gwaharddiad ar gynnal gweithgaredd yng nghymal 2(1) heb drwydded, gofynnir i'r gofyniad i hysbysu Gweinidogion Cymru gael ei newid o ofyniad i gael cydsyniad Gweinidogion Cymru.</p> <p>Cymal 6: Pan fydd yr Ysgrifennydd Gwladol yn dirymu neu dynnu esemptiad yn ôl, gofynnir i'r gofyniad i hysbysu Gweinidogion Cymru gael ei newid i ofyniad i gael cydsyniad Gweinidogion Cymru.</p> <p>Cymal 7: Gofynnir bod gwelliant yn cael ei gyflwyno i'w gwneud yn ofynnol i'r Rheoleiddiwr Economaidd roi'r sylw dyladwy i dargedau newid hinsawdd Llywodraeth Cymru, ynghyd â'r cynlluniau statudol cysylltiedig.</p> <p>Cymal 8: Pan fydd yr Ysgrifennydd Gwladol yn gwneud rheoliadau sy'n darparu ar gyfer mathau gwahanol o drwydded mewn perthynas â gweithgareddau gwahanol a amlinellir yng nghymal 2(1), gofynnir y dylai cydsyniad gan Weinidogion Cymru fod yn ofynnol os yw'r rheoliadau'n cynnwys darpariaeth a fyddai o fewn cymhwysedd datganoledig.</p> <p>Cymal 9: Pan fydd yr Ysgrifennydd Gwladol (neu'r rheoleiddiwr economaidd gyda chymeradwyaeth yr Ysgrifennydd Gwladol) yn gwneud rheoliadau mewn perthynas â'r ffordd y gwneir cais am drwyddedau a'r ffi,</p> |
|--|---|--|



|  |   |  |
|--|---|--|
|  | <p><b>Mae cymalau 7 – 16 yn ymwneud â rhoi trwyddedau ac amodau trwyddedau:</b></p> <p>Mae cymal 7 yn caniatáu i'r Rheoleiddiwr Economaidd roi trwyddedau ar gyfer cludo a storio CO<sub>2</sub>.</p> <p>Mae cymal 8 yn caniatáu i'r Ysgrifennydd Gwladol wneud rheoliadau i ddarparu ar gyfer mathau gwahanol o drwyddedau mewn perthynas â gweithgareddau gwahanol.</p> <p>Mae cymal 9 yn rhoi pwerau i'r Ysgrifennydd Gwladol i wneud rheoliadau mewn perthynas â'r weithdrefn ar gyfer gwneud cais am drwydded. Mae darpariaeth i estyn rhai o'r pwerau hyn i'r Rheoleiddiwr Economaidd, gyda chymeradwyaeth yr Ysgrifennydd Gwladol.</p> <p>Mae cymal 10 yn darparu i'r Ysgrifennydd Gwladol wneud rheoliadau i gyflwyno cystadleuaeth i'r tendrau ar gyfer trwyddedau.</p> <p>Mae cymalau 11 – 15 yn cynnwys darpariaethau i'r Ysgrifennydd</p> | <p>gofynnir i'r gofyniad i ymgynghori â Gweinidogion Cymru gael ei newid i ofyniad i gael cydsyniad Gweinidogion Cymru.</p> <p>Cymal 10: Pan fydd yr Ysgrifennydd Gwladol yn gwneud rheoliadau ar gyfer gwneud penderfyniadau ynghylch dyfarnu trwyddedau ar sail gystadleuol, gofynnir i'r gofyniad i ymgynghori â Gweinidogion Cymru gael ei newid i ofyniad i gael cydsyniad Gweinidogion Cymru.</p> <p>Cymal 11: Bydd y cyfrifiadau refeniw yn ystyried y costau datgomisiynu. Mae Gweinidogion Cymru yn gyfrifol am rhai allyriadau yn nyfroedd tiriogaethol Cymru. Felly, rhaid i'r trafodaethau ynghylch y costau datgomisiynu ystyried yn llawn farn Gweinidogion Cymru ar yr hyn a fyddai'n golygu datgomisiynu digonol.</p> <p>Cymalau 12 – 15: Gwelliant i newid y gofyniad i ymgynghori â Gweinidogion Cymru i ofyniad i gael cydsyniad Gweinidogion Cymru. Mae'n bwysig bod cydsyniad Gweinidogion Cymru yn cael ei roi ar gyfer <b>pob</b> cymal trwydded pan fydd trwyddedau o'r fath ar dir Cymru neu ddyfroedd tiriogaethol Cymru. Mae hyn yn arbennig o bwysig am y bydd y refeniw a gynhyrchir yn cael ei gysylltu â datgomisiynu sydd, wrth reswm, yn ymwneud â'r amgylchedd.</p> <p>Cymal 16: Dylai fod yn ofynnol i'r Ysgrifennydd Gwladol gydymffurfio â therfyn amser neu amserlen wrth drosglwyddo i'r Rheoleiddiwr Economaidd ei bwerau i roi trwyddedau. Dylai'r Ysgrifennydd Gwladol hysbysu Gweinidogion Cymru am drosglwyddiadau o'r fath ym mhob achos.</p> <p>Atodlen 1 – mae darpariaeth i hysbysu Gweinidogion Cymru o ddyroddi trwydded yn ystod y cyfnod interim. Gofynnwn i</p> |
|--|---|--|

|  |  |   |
|--|--|---|
|  | <p>Gwladol bennu amodau trwyddedau, gan gynnwys amodau cyffredinol a safonol, ac i addasu amodau.</p> <p>Mae cymalau 16 ac Atodlen 1 yn gwneud darpariaethau mewn perthynas â phwerau'r Ysgrifennydd Gwladol i roi trwyddedau yn ystod cyfnod interim.</p> <p>Mae <b>cymal 17</b> yn nodi cyfrifoldebau'r Rheoleiddiwr Economaidd mewn perthynas â <b>dirymu trwyddedau</b>.</p> <p>Mae <b>cymalau 18 a 19</b> yn nodi y gellir <b>trosglwyddo</b> trwydded ac yn nodi'r cydsyniad sydd ei angen cyn gwneud hynny.</p> <p>Mae <b>cymalau 26-29</b> yn gwneud darpariaeth ar gyfer <b>rhannu gwybodaeth</b>.</p> <p>Mae cymal 26 yn caniatáu i'r rheoleiddiwr economaidd ofyn am wybodaeth oddi wrth bersonau perthnasol a darparu gwybodaeth iddynt, gan gynnwys</p> | <p>hyn gael ei newid i ofyniad am gydsyniad Gweinidogion Cymru.</p> <p>Cymal 17: Gwelliant i sicrhau bod Gweinidogion Cymru yn cael cyfrannu at benderfyniadau trwydded pan fyddant yn effeithio ar bwerau datganoledig (gan mai hysbysu yn unig yw'r gofyniad presennol).</p> <p>Cymalau 18 a 19: Gwelliant i sicrhau bod Gweinidogion Cymru yn cael eu hysbysu pan fydd unrhyw drosglwyddiad yn cynnwys trwydded ar dir Cymru neu ddyfroedd tiriogaethol Cymru.</p> <p>Cymal 32: Pan fydd yr Ysgrifennydd Gwladol yn gwneud rheoliadau ar gyfer gorfodi amodau trwydded, gofynnir bod cydsyniad gan Weiniidogion Cymru yn ofyniad os yw'r rheoliadau'n cynnwys darpariaethau a fyddai o fewn cymhwysedd datganoledig.</p> <p>Mae Llywodraeth Cymru hefyd yn gofyn am yr esboniadau canlynol:</p> <p>Eglurhad cyffredinol – Byddai gan y Drwydded Economaidd, ac felly'r Rheoleiddiwr Economaidd a'r Ysgrifennydd Gwladol, swyddogaethau gweithredol ar dir Cymru ac yn nyfroedd tiriogaethol Cymru lle mai Gweinidogion Cymru yw'r Awdurdod Trwyddedu Dal a Storio Carbon o dan Ddeddf Ynni 2008 (h.y. Gweinidogion Cymru sy'n trwyddedu storio CO2 o dan y ddaear, ond yr Ysgrifennydd Gwladol a'r Rheoleiddiwr Economaidd sy'n trwyddedu materion</p> |
|--|--|---|

|  |   |   |
|--|---|---|
|  | <p>Gweinidogion Cymru a Cyfoeth Naturiol Cymru.</p> <p>Mae cymal 27 yn rhoi pŵer i'r Ysgrifennydd Gwladol ofyn am wybodaeth yn uniongyrchol gan ddeiliad trwydded fel sy'n ofynnol at ddibenion swyddogaethau'r Ysgrifennydd Gwladol.</p> <p>Mae cymal 28 yn gosod rhwymedigaeth ar y rheoleiddiwr economaidd i fonitro cyflwr y farchnad, ac i rannu'r wybodaeth y mae'n ei chasglu gyda'r Ysgrifennydd Gwladol neu'r Awdurdod Cystadleuaeth a Marchnadoedd (CMA) yn ôl y gofyn.</p> <p>Mae cymal 29 yn darparu i'r rheoleiddiwr economaidd ofyn am wybodaeth berthnasol gan ddeiliaid trwydded er mwyn caniatáu iddo fonitro'r farchnad. Mae hefyd yn sefydlu trosedd pan na fo deiliad y drwydded yn cydymffurfio â chais am wybodaeth berthnasol.</p> <p>Mae <b>cymal 30</b> yn gosod dyletswydd ar y rheoleiddiwr economaidd i gynnal <b>asesiad</b></p> | <p>economaidd). Gallai hyn arwain at swyddogaethau gweithredol sy'n gwrthdaro os yw Gweinidogion Cymru am ddiwygio'r cymalau presennol mewn perthynas â modelau yn Neddf Ynni 2008.</p> <p>Mae angen rhagor o eglurhad ynghylch y ffordd y bydd y gyfundrefn economaidd bresennol yn cyd-fynd ac yn rhyngweithio â chyfundrefn drwyddedu Deddf Ynni 2008 mai Gweinidogion Cymru yw'r awdurdod trwyddedu o dani.</p> <p>Cymal 4: Mae angen eglurhad ynghylch cyrhaeddiad tiriogaethol y darpariaethau yn y Bil hwn o'u cymharu â chwmpas tiriogaethol y pwerau trwyddedu yn Neddf Ynni 2008.</p> <p>Cymalau 5 a 6: Mae angen rhagor o eglurhad ynghylch y paramedrau y rhoddir eithriadau ynddynt.</p> <p>Cymal 26: Mae'r gofyniad rhannu gwybodaeth yn gyffredinol. Mae angen manylion ynghylch pryd a pham y byddai hwn yn berthnasol.</p> <p>Cymal 30: Mae Llywodraeth Cymru yn gofyn am wybodaeth am y ffordd y byddai'r asesiad effaith yn cael ei gynnal, gyda sylw penodol i faterion amgylcheddol datganoledig a rôl Gweinidogion Cymru.</p> |
|--|---|---|

|  |   |  |
|--|---|--|
|  | <p><b>effaith</b> pan fo'n bwriadu dilyn cynnig a allai gael effaith sylweddol.</p> <p>Mae <b>cymal 31</b> yn ei gwneud yn ofynnol i'r Ysgrifennydd Gwladol neu'r rheoleiddiwr economaidd <b>roi rhesymau dros eu penderfyniadau</b> mewn perthynas â dirymu neu addasu trwydded, rhoi unrhyw gyfarwyddydau neu gydsyniad yn unol ag amod sydd wedi'i gynnwys mewn trwydded, penderfynu ar gwestiwn a atgyfeiriwyd yn unol ag amod sydd wedi'i gynnwys mewn trwydded a gwneud gorchymyn terfynol, gwneud neu gadarnhau gorchymyn 5 dros dro neu ddirymu gorchymyn terfynol neu orchymyn dros dro sydd wedi'i gadarnhau.</p> <p><b>Mae Cymalau 32 – 35 yn ymwneud â gorfodi:</b><br/>Mae cymal 32 yn darparu i'r Ysgrifennydd Gwladol wneud rheoliadau i orfodi amodau</p> |  |
|--|---|--|

|   |  |   |
|---|--|---|
|   | <p>trwydded a gofynion eraill a roddir ar ddeiliaid drwydded.</p> <p>Mae cymal 33 yn gwneud rhoi datganiadau anwir mewn perthynas ag unrhyw ddarpariaeth yn y Rhan hon yn drosedd.</p> <p>Mae cymal 34 yn nodi atebolrwydd swyddogion neu endidau.</p> <p>Mae cymal 35 yn amlinellu'r trefniadau troseddol mewn perthynas â'r troseddau.</p> |   |
| <p><b>Pennod 3: Gofynion adrodd</b></p> <p>Mae'n ei gwneud yn ofynnol i'r Rheoleiddiwr Economaidd lunio adroddiad blynyddol y mae'n rhaid i'r Ysgrifennydd Gwladol ei osod gerbron Dau Dŷ'r Senedd ac y mae rhaid hefyd i Weinidogion Cymru ei osod gerbron y Senedd.</p> | <p><b>Mae angen LCM ar gyfer cymalau 39 – 41.</b></p> <p>Mae'r darpariaethau yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis dal, cludo a storio carbon deuocsid, ac nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.</p>               | <p>Mae Llywodraeth Cymru yn argymhell atal cydsyniad am ein bod wedi gofyn am welliannau.</p> <p>Mae Llywodraeth Cymru yn gofyn am welliannau fel a ganlyn:</p> <p>Cymal 39: Gwelliant i'w gwneud yn ofynnol ymgynghori â Gweinidogion Cymru ar raglenni drafft.</p> <p>Cymal 40: Gwelliant i raglen waith y rheoleiddiwr roi'r sylw dyladwy i bolisiau'r Llywodraethau Datganoledig.</p> <p>Cymal 41: Dylai'r adroddiad blynyddol gynnwys gofyniad i adrodd ar gynnydd yng Nghymru (os nad yw wedi'i gynnwys).</p> |

|   |   |  |
|---|---|--|
|   | <p>Mae Cymal 41 yn gosod swyddogaethau ar Weinidogion Cymru. Rhaid hefyd i Weinidogion Cymru osod copi o adroddiad blynyddol yr Ysgrifennydd Gwladol yn y Senedd.</p>   |  |
| <p><b>Pennod 4: Cyfundrefn Weinyddu Arbennig</b></p> <p>Mae'n darparu ar gyfer rhoi Cyfundrefn Weinyddu Arbennig ar waith yn achos ansolfedd cwmni cludo a storio CO<sub>2</sub>.</p> | <p><b>Mae angen LCM ar gyfer cymal 46.</b></p> <p>Er bod Pennod 4 yn ymwneud yn bennaf ag ansolfedd, mae cymal 46 yn darparu y caiff yr Ysgrifennydd Gwladol ddiwygio trwyddedau. Gweinidogion Cymru yw'r awdurdod trwyddedu ar gyfer rhai trwyddedau o fewn cwmpas posibl y cymal hwn. Mae'r darpariaethau yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis dal, cludo a storio carbon deuocsid, ac nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.</p> | <p>Mae Llywodraeth Cymru yn argymhell atal cydsyniad ar gyfer cymal 46 rhag ofn bod rhagor o welliannau neu esboniadau'n cael eu nodi yn dilyn adolygiadau pellach.</p> <p>Mae cymal 46 ei hun yn cydnabod y gallai'r pwerau a ddefnyddiwyd fod o fewn cymhwysedd deddfwriaethol y Senedd. Mae is-adrannau (3) a (6) yn darparu os byddai'r ddarpariaeth sy'n gwneud yr addasiad o fewn cymhwysedd deddfwriaethol y Senedd pe bai o fewn Deddf gan y Senedd, yna y byddai gofyniad i ymgynghori.</p> |

|  |  |   |
|--|--|---|
| <p><b>Pennod 5 – Cynlluniau Trosglwyddo</b></p> <p>Mae'r Bennod hon yn darparu ar gyfer trosglwyddo eiddo, hawliau neu rwymedigaethau pan fydd trwydded yn cael ei therfynu. Gall hyn fod yn ofynnol er mwyn caniatáu i'r rhwydwaith barhau i weithredu, neu i sicrhau diogelwch rhwydwaith os yw'n peidio â chael ei weithredu.</p> | <p><b>Cymalau 50-52 ac Atodlen 3</b></p> <p>Mae'r cymalau hyn yn darparu i'r Ysgrifennydd Gwladol wneud cynllun trosglwyddo statudol lle gellir trosglwyddo eiddo, hawliau neu rwymedigaethau penodol deiliad trwydded oddi tano naill ai i gorff priodol neu i'r Ysgrifennydd Gwladol. Mae'n cynnwys darpariaethau ynghylch ymgynghori ac ymddygiad.</p> <p>Mae'r darpariaethau yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis dal, cludo a storio carbon deuocsid, ac nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.</p> | <p>Mae Llywodraeth Cymru yn argymhell atal cydsyniad ar gyfer cymalau 50-52 ac Atodlen 3 ac rydym yn gofyn am welliannau i sicrhau bod Gweinidogion Cymru yn cydsynio i'r trosglwyddiad ar gyfer trwyddedau.</p>  |
| <p><b>Pennod 6 – Amrywiol a Chyffredinol</b></p>   | <p>Mae angen LCM ar gyfer cymalau 53-54 ac Atodlen 4.</p> <p>Mae'r ddarpariaeth yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis</p>   | <p>Mae Llywodraeth Cymru yn argymhell atal cydsyniad ar gyfer cymalau 53-54 ac Atodlen 4.</p> <p>Mae Llywodraeth Cymru yn ceisio gwelliant yn ei gwneud yn ofynnol i'r rheoleiddiwr economaidd rannu gwybodaeth berthnasol ag awdurdod trwyddedu h.y. trefniant cilyddol i'r un y darperir ar ei gyfer ar hyn o bryd.</p> |

|  |   |  |
|--|---|--|
|  | <p>dal, cludo a storio carbon deuocsid, ac nid yw'n ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.</p> <p>Mae cymal 53 yn addasu Deddf Ynni 2008 i ddarparu ar gyfer cydweithredu a rhannu gwybodaeth rhwng y rheoleiddiwr economaidd a'r awdurdod trwyddedu storio CO2 perthnasol, sef Gweinidogion Cymru mewn rhai achosion.</p> <p>Mae cymal 54 ac Atodlen 4 yn nodi'r diwygiadau canlyniadol i'r ddeddfwriaeth bresennol sy'n gysylltiedig â'r Rhan hon.</p> <p>Mae gofynion cydweithredu a rhannu gwybodaeth yn berthnasol i Weinidogion Cymru.</p> |  |
|--|---|--|



**Rhan 2: Dal a storio carbon deuocsid etc. a chynhyrchu hydrogen**

Mae'r Rhan hon yn sefydlu ffordd o ddarparu cymorth refeniw a chymorth ariannol arall i gwmnïau sy'n cludo a storio CO<sub>2</sub>, i gynhyrchwyr hydrogen carbon isel ac i endidau sy'n dal a storio carbon. Mae hefyd yn rhoi pwerau i sefydlu a gweinyddu ardoll ar gyflenwyr trydan, cyflenwyr nwy, a/neu'r rheini sy'n cludo nwy ar longau er mwyn darparu cymorth i gynhyrchu hydrogen carbon isel.

Bydd yr un ffordd o weithredu'n cael ei chyflwyno ledled y DU er mwyn cefnogi cyfraniad y technolegau carbon isel hyn at ddatgarboneiddio ledled y DU, er mwyn lliniaru'r risgiau penodol sy'n wynebu datblygwyr seilwaith wrth iddynt fynd ati i fasnacheiddio ac i gyflwyno technoleg, ac er mwyn meithrin hyder ymhlith buddsoddwyr.

**Pennod 1 - Contractau Cymorth Refeniw**

Mae'r darpariaethau ym Mhennod 1 yn rhoi pwerau dirprwyedig i sefydlu'r fframwaith manwl ar gyfer modelau busnes, gan gynnwys dynodi parti i gontract a dyletswyddau'r parti hwnnw i ymrwymo ac i reoli contractau ar gyfer modelau busnes gydag endidau carbon, cwmnïau sy'n cludo ac yn storio CO<sub>2</sub>, a chynhyrchwyr hydrogen carbon isel. Mae hefyd yn darparu ar gyfer corff dyrannu ar gyfer prosesau

**Mae angen Memorandwm Cydsyniad Deddfwriaethol ar gyfer cymalau 56-60, 63-64 a 68-81** i'r graddau y maent yn ymwneud â dal, cludo a storio carbon deuocsid.

Mae'r darpariaethau yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis dal, cludo a storio carbon deuocsid, ac nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.

Mae cymal 56 yn darparu'r ystyron a'r diffiniadau ar gyfer

Mae Llywodraeth Cymru yn argymhell peidio â rhoi cydsyniad i gymalau 56-60, 63-64 a 68-81 oherwydd ei bod wedi gofyn iddynt gael eu diwygio.

Mae Llywodraeth Cymru yn gofyn am y gwelliannau a ganlyn:

Cymal 57 – Yn ôl is-adran (7), caiff rheoliadau cymorth refeniw roi unrhyw swyddogaeth i unrhyw berson. Diwygier yr iaith er mwyn cyfyngu ar gwmpas hyn.

Cymalau 57, 71, 72, 73, 74 a 78 – Gan fod y cymalau hyn yn rhoi pŵer i'r Ysgrifennydd Gwladol wneud rheoliadau am gontractau cymorth refeniw, dylai'r gofyniad i ymgynghori â Gweinidogion Cymru gael ei ddiwygio a'i wneud yn ofyniad i gael cydsyniad Gweinidogion Cymru.

Cymal 68 – pan fydd yr Ysgrifennydd Gwladol yn gwneud rheoliadau o dan yr adran hon (e.e. penodi person i gyflawni swyddogaethau mewn cysylltiad â dyrannu contractau cymorth refeniw ar gyfer cynhyrchu hydrogen, a pherson i gyflawni swyddogaethau mewn cysylltiad â dyrannu contractau cymorth refeniw ar gyfer dal carbon, dylai fod yn

|  |  |   |
|--|--|---|
| <p>dyrannu cystadleuol yn y dyfodol.</p> | <p>termau amrywiol a ddefnyddir ym Mhennod 1.</p> <p>Mae cymal 57 yn rhoi'r pŵer i'r Ysgrifennydd Gwladol reoleiddio contractau cymorth refeniw. Mae cymal 58 yn nodi dyletswyddau'r parti i gontract cymorth refeniw. Mae cymal 59 yn darparu i'r Ysgrifennydd Gwladol ddynodi parti i gontractau cymorth refeniw ar gyfer cludo a storio CO2. Mae cymal 60 yn darparu i'r Ysgrifennydd Gwladol gyfarwyddo parti i gontract cludo a storio i gynnig ymrwymo i gontract gyda pherson cymwys (deiliad trwydded). Mae cymal 63 yn darparu i'r Ysgrifennydd Gwladol ddynodi parti i gontract ar gyfer Dal Carbon. Mae cymal 64 yn darparu i'r Ysgrifennydd Gwladol gyfarwyddo parti i gontract Dal Carbon i gynnig ymrwymo i gontract gyda pherson cymwys .</p> | <p>ofynnol cael cydsyniad Gweinidogion Cymru os yw'r rheoliadau'n cynnwys darpariaeth a fyddai o fewn cymhwysedd datganoledig. Cymal 69 – Dylai fod yn ofynnol cael cydsyniad Gweinidogion Cymru.</p> |
|--|--|---|

|  |  |  |
|--|--|--|
|  | <p><b>Mae cymalau 68 – 74 yn ymwneud â dyrannu contractau:</b></p> <p>Mae cymal 68 yn darparu i'r Ysgrifennydd Gwladol, drwy reoliadau, benodi person i ddyrannu contractau.</p> <p>Mae cymal 69 yn darparu i'r Ysgrifennydd Gwladol gyhoeddi telerau ac amodau safonol contractau.</p> <p>Mae cymal 70 yn ymwneud â hysbysiadau dyrannu.</p> <p>Mae cymal 71 yn caniatáu ar gyfer rheoliadau a fydd yn nodi sut i wneud penderfyniadau ar ddyrannu contractau.</p> <p>Mae cymal 72 yn gosod dyletswydd i gynnig contract ar ôl iddo gael ei ddyrannu ac mae'n caniatáu ar gyfer cysylltu telerau ac amodau â chynigion.</p> <p>Mae adran 73 yn caniatáu ar gyfer addasu termau safonol ac mae cymal 74 yn cynnwys darpariaethau atodol.</p> <p><b>Mae cymalau 75 - 76 yn cynnwys darpariaethau am bartion i gontractau.</b></p> |  |
|--|--|--|

|  |  |  |
|--|--|--|
|  | <p>Mae cymal 75 yn caniatáu i'r Ysgrifennydd Gwladol ddirymu hysbysiad dynodi parti i gontract. Mae cymal 76 yn ymwneud â darpariaethau ar gyfer dosrannu symiau i bartïon i gontractau cymorth refeniw os nad yw rhwymedigaethau o dan y contract yn cael eu bodloni'n llawn.</p> <p>Mae cymal 77 yn nodi y caiff rheoliadau cymorth refeniw wneud darpariaethau sy'n ymwneud â gwybodaeth a chyngor.</p> <p>Mae cymal 78 yn ei gwneud yn ofynnol i'r Ysgrifennydd Gwladol gynnal ymgynghoriad, gan gynnwys gyda Gweinidogion Cymru, cyn gwneud rheoliadau cymorth refeniw.</p> <p>Mae cymal 79 yn rhoi'r pŵer i'r Ysgrifennydd Gwladol wneud cynlluniau ar gyfer trosglwyddo eiddo, hawliau neu rwymedigaethau dynodedig, gan gynnwys mewn perthynas â phartïon i gontractau cymorth refeniw a phartïon dyrannu.</p> |  |
|--|--|--|

|  |  |  |
|--|--|--|
|  | <p>Mae cymal 80 yn darparu ar gyfer addasu cynlluniau trosglwyddo. Mae cymal 81 yn cynnwys darpariaethau cyffredinol mewn perthynas â Phennod 1.</p>   |  |
| <p><b>Pennod 2 – Datgomisiynu gosodiadau storio carbon</b></p> <p>Mae'n rhoi pwerau i'r Ysgrifennydd Gwladol wneud ac addasu rheoliadau i weithredu cyfundrefn a gyllidir ar gyfer datgomisiynu gosodiadau alltraeth sy'n dal, yn defnyddio ac yn storio carbon.</p> | <p><b>Mae angen Memorandwm Cydsyniad Deddfwriaethol ar gyfer cymalau 82-84</b></p> <p>Mae Pennod 2 yn ymwneud â datgomisiynu gosodiadau storio carbon, gan gynnwys y pŵer i wneud rheoliadau ynglŷn â chymorth ariannol ar gyfer costau datgomisiynu. Mae'r cymalau, felly, yn deddfu mewn maes datganoledig.</p> <p>Mae'r darpariaethau yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis dal, cludo a storio carbon deuocsid, ac nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.</p> | <p>Mae Llywodraeth Cymru yn argymhell peidio â rhoi cydsyniad ar gyfer cymalau 82-84 ac yn argymhell eu bod yn cael eu diwygio.</p> <p>Mae Llywodraeth Cymru yn gofyn am y gwelliannau a ganlyn:<br/> Cymal 82 – Dylai fod yn ofynnol cael cydsyniad Gweinidogion Cymru ar gyfer unrhyw reoliadau eilaidd a fydd yn deillio o'r Bil hwn a hefyd mewn unrhyw achosion yn y Rhan hon lle y cynigir y dylid ymgynghori â Gweinidogion Cymru.<br/> Cymalau 82 ac 83 – Pan fydd yr Ysgrifennydd Gwladol yn gwneud rheoliadau o dan yr adran hon, dylai cydsyniad Gweinidogion Cymru fod yn ofynnol os yw'r rheoliadau'n cynnwys darpariaeth a fyddai o fewn cymhwysedd datganoledig.</p> <p>Mae Llywodraeth Cymru yn argymhell peidio â rhoi cydsyniad ar gyfer yr holl gymalau uchod ac yn gofyn iddynt gael eu diwygio.</p> |

|  |  |  |
|--|--|--|
|  | <p>Mae cymalau 82 ac 83 yn rhoi pŵer i'r Ysgrifennydd Gwladol wneud rheoliadau ynglŷn ag ariannu costau datgomiynu a chostau etifeddol a ysgwyddir mewn perthynas â gosodiadau storio carbon.</p> <p>Mae cymal 84 yn cymhwyso Rhan 4 o Ddeddf Petrolwim 1998 mewn perthynas â chefnu ar osodiadau storio carbon.</p>   |  |
| <p><b>Pennod 3 – Datganiad Strategaeth a Pholisi</b></p> <p>Mae'n galluogi'r Ysgrifennydd Gwladol i ddynodi strategaeth a datganiad polisi ar gyfer dal, defnyddio a storio carbon. Byddai angen i'r Ysgrifennydd Gwladol a'r rheoleiddiwr economaidd eu hystyried wrth gyflawni swyddogaethau Rhan 1 (Trwyddedu cludo a storio carbon deuocsid). Mae hefyd yn nodi'r broses a'r amserlenni ar gyfer paratoi ac adolygu'r datganiad hwn.</p> | <p><b>Mae angen Memorandwm Cydsyniad Deddfwriaethol ar gyfer cymalau 88-91</b></p> <p>Bwriedir y datganiad polisi hwn ar gyfer y DU gyfan. Mae Pennod 3 yn ymwneud â'r gofyniad sydd ar yr Ysgrifennydd Gwladol i gyhoeddi strategaeth a datganiad polisi ar ddal, defnyddio a storio carbon. Bwriedir y datganiad hwn am bolisi ar gyfer y DU gyfan, h.y. gan gynnwys Cymru. Mae gofyniad i ymgynghori â Gweinidogion Cymru, ond mae Llywodraeth Cymru yn argymhell y dylai fod angen cydsyniad</p> | <p>Mae Llywodraeth Cymru yn argymhell peidio â rhoi cydsyniad ar gyfer cymalau 88-91 ac yn argymhell bod angen gwelliannau neu eglurhad. Mae Llywodraeth Cymru yn gofyn am y gwelliannau a ganlyn:</p> <p>Cymalau 90 a 91 – Dylai'r gofyniad i ymgynghori â Gweinidogion Cymru gael ei newid yn ofyniad i gael cydsyniad Gweinidogion Cymru.</p> <p>Cymal 91 – Dylai fod gofyniad i ymgynghori'n gyhoeddus am ddatganiad polisi drafft.</p> <p>Mae Llywodraeth Cymru hefyd yn argymhell peidio â rhoi cydsyniad ar gyfer cymal 88 rhag ofn y bydd, ar ôl ystyried mwy ar y cymal hwnnw, yn gweld bod angen rhagor o welliannau neu fwy o eglurhad.</p> |

|   |  |   |
|---|--|---|
|   | <p>Gweinidogion Cymru i'r graddau y mae'r polisi yn ymwneud â Chymru.</p> <p>Mae'r darpariaethau yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis dal, cludo a storio carbon deuocsid, ac nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.</p>   |   |
| <p><b>Pennod 5 – Cyffredinol</b></p> <p>Mae Pennod 5 yn rhoi'r pŵer i'r Ysgrifennydd Gwladol wneud rheoliad ynglŷn â chaffael hawliau i ddefnyddio cyfleusterau storio a phibellau.</p> | <p><b>Mae angen Memorandwm Cydsyniad Deddfwriaethol ar gyfer cymal 96</b></p> <p>Mae Pennod 5 yn rhoi'r pŵer i'r Ysgrifennydd Gwladol wneud rheoliad ynglŷn â chaffael hawliau i ddefnyddio cyfleusterau storio a phibellau. Mae hyn yn debygol o effeithio ar y maes datganoledig sy'n ymwneud â storio carbon deuocsid. Mae dyletswydd i ymgynghori â Gweinidogion Cymru, ond dylai fod angen cael eu cydsyniad.</p> | <p>Mae Llywodraeth Cymru yn argymhell peidio â rhoi cydsyniad ar gyfer cymal 96 ac mae'n gofyn iddo gael ei ddiwygio.</p> <p>Mae Llywodraeth Cymru yn gofyn am welliannau fel a ganlyn:<br/> Cymal 96 – Pan fydd yr Ysgrifennydd Gwladol yn gwneud rheoliadau o dan yr adran hon (e.e. ynglŷn â chaffael hawliau ar gyfer seilwaith), dylai fod yn ofynnol iddo gael cydsyniad Gweinidogion Cymru os bydd y rheoliadau'n cynnwys darpariaeth a fyddai o fewn cymhwysedd datganoledig.</p> |

|   |   |   |
|---|---|---|
|   | <p>Mae'r darpariaethau yn ymwneud â materion diogelu'r amgylchedd a gwastraff, sy'n cynnwys mesurau datgarboneiddio megis dal, cludo a storio carbon deuocsid, ac nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006.</p> <p>Mae cymal 96 yn galluogi'r Ysgrifennydd Gwladol i wneud rheoliadau ynglŷn â mynediad at seilwaith cludo a storio CO2.</p> |   |
| <b>Rhan 3 – Technoleg Newydd</b>  |   |   |
| <p><b>Pennod 1 – Cynlluniau Gwres Carbon Isel</b></p> <p>Cymalau 98-107. Mae'r cymalau yn galluogi rhwymedigaeth ar, er enghraifft, weithgynhyrchwyr offer gwresogi nwy ac olew i werthu mwy o gyfarpar</p> | <p><b>Mae angen Memorandwm Cydsyniad Deddfwriaethol ar gyfer cymalau 98-107</b></p> <p>Mae paragraff 101 o Atodlen 7A i Ddeddf Llywodraeth Cymru 2006 yn darparu ar gyfer mater a gedwir yn ôl mewn cysylltiad â "Production, distribution and supply of heat and cooling". Mae</p>   | <p>Mae Llywodraeth Cymru yn argymhell peidio â rhoi cydsyniad ar gyfer cymalau 98-107 oherwydd ei bod wedi gofyn iddynt gael eu diwygio.</p> <p>Mae Llywodraeth Cymru yn gofyn am newidiadau i'r cymalau i adlewyrchu'r isod:<br/>Gofyniad i Weinidogion Cymru roi eu cydsyniad ar gyfer unrhyw reoliadau a fydd yn ymwneud â materion sydd o fewn cymhwysedd deddfwriaethol datganoledig y Senedd.</p> |



|                                      |   |  |
|--------------------------------------|---|--|
| <p>carbon isel fel pypiau gwres.</p> | <p>hefyd yn darparu eithriad i'r mater hwnnw a gedwir yn ôl, sef:<br/>         “Schemes providing incentives to generate or produce, or to facilitate the generation or production of, heat or cooling from sources of energy other than fossil fuel or nuclear fuel”.</p> <p>Mae'r cymalau hyn yn bendant o fewn yr eithriad hwnnw, ac felly o fewn cymhwysedd deddfwriaethol y Senedd.</p> <p>Mae cymal 98 yn pennu y caiff yr Ysgrifennydd Gwladol, drwy gyfrwng rheoliadau, wneud darpariaeth ar gyfer sefydlu a gweithredu un neu ragor o gynlluniau gwres carbon isel.</p> <p>Mae cymal 99 yn pennu cwmpas y rheoliadau.</p> <p>Mae cymal 100 yn darparu ar gyfer gosod targed ar gyfer gwres carbon isel.</p> <p>Mae cymal 101 yn cynnwys rhagor o ddarpariaethau ynglŷn â rheoleiddio'r cynllun, gan gynnwys monitro a chydymffurfio.</p> | <p>Bod Gweinidogion Cymru yn cael pwerau i newid a/neu ddirymu agweddau, neu agweddau arfaethedig, ar sut y bydd y cynllun yn gweithredu yng Nghymru, gan wneud hynny fesul achos, pan fo hynny o fewn cymhwysedd datganoledig.</p> <p>Gofyniad bod yn rhaid i'r Ysgrifennydd Gwladol benodi Gweinidogion Cymru yn weinyddwyr ar y cynllun ar ôl cael cais i'r perwyl hwnnw oddi wrth Weinidogion Cymru, a'i fod yn gwneud hynny yn unol â'r amserlen a geisir gan Weinidogion Cymru. Hyd nes y gwneir cais, byddai'r Ysgrifennydd Gwladol yn cadw'r pŵer i benodi'r gweinyddwr ar gyfer y DU gyfan.</p> |
|--------------------------------------|---|--|

|  |  |  |
|--|--|--|
|  | <p>Mae cymal 102 yn darparu i'r rheoliadau benodi gweinyddwr.<br/>Mae cymal 103 yn ymwneud â gorfodi, cosbau a throsteddau.<br/>Mae cymal 104 yn darparu ar gyfer rheoliadau i wneud darpariaethau mewn perthynas â thaliadau.<br/>Mae cymal 105 yn ymwneud ag apeliadau.<br/>Mae cymal 106 yn ymwneud â rheoliadau'r cynllun, gan gynnwys gweithdrefnau.<br/>Mae cymal 107 yn cynnwys diffiniadau sy'n gysylltiedig â'r bennod hon.</p> |  |
|--|--|--|

| <b>Rhan 4 – Gweithredwr a Chynllunydd System Annibynnol (ISOP)</b>  |  |  |
|---|--|--|
| <p>Mae'r Rhan hon yn darparu ar gyfer sefydlu corff newydd – Gweithredwr a Chynllunydd System Annibynnol (ISOP).</p> <p>Mae'r ISOP i fod yn gorff sector cyhoeddus sydd â chyfrifoldeb dros gynllunio datblygiad y systemau trosglwyddo trydan a nwy a gweithrediad y system drosglwyddo trydan.</p> <p>Mae llawer o'r swyddogaethau y bydd yr ISOP yn ymgymryd â hwy ar hyn o bryd yn cael eu cyflawni gan weithredwyr trwyddedig sy'n eiddo i National Grid plc a gwneir darpariaeth ar gyfer trosglwyddo'r gweithredwyr cyfan neu rannau o'r gweithredwyr hyn o'u perchnogaeth bresennol, fel rhan o waith sefydlu'r ISOP.</p> | <p><b>Mae angen Memorandwm Cydsyniad Deddfwriaethol ar gyfer cymal 125 a pharagraff 9 o Atodlen 6</b></p> <p>Mae'r darpariaethau y cyfeirir atynt isod yn ymwneud â threth ddatganoledig, sydd o fewn yr eithriad i'r mater a gedwir yn ôl ym mharagraff 15 o Atodlen 7A i Ddeddf Llywodraeth Cymru 2006, ac nid ydynt yn ymwneud ag unrhyw fater a gedwir yn ôl yn yr Atodlen honno.</p> <p><u>Cymal 125 a pharagraff 9 o Atodlen 6</u></p> <p>Cyflwynodd cymal 125 Atodlen 6, sy'n rhoi'r pŵer i'r Ysgrifennydd Gwladol wneud un neu fwy o gynlluniau i drosglwyddo eiddo, hawliau neu rywmedigaethau o un person i berson arall wrth baratoi ar gyfer dynodi person neu mewn cysylltiad ag ef neu at y diben o alluogi'r Gweithredwr a Chynllunydd System</p> | <p>Mae Llywodraeth Cymru yn argymhell peidio â rhoi cydsyniad gan fod y Bil yn ceisio rhoi pŵer i Drysorlys EF amrywio'r ffordd y mae'r dreth trafodiadau tir yn gweithredu.</p> <p>Nid yw'n briodol i Weinidogion y DU a Senedd y DU fod yn gyfrifol am y pŵer i wneud newidiadau. Dylai Gweinidogion Cymru a'r Senedd benderfynu ar faterion o'r fath.</p> <p>Mae Llywodraeth Cymru yn gofyn am dynnu'r dreth trafodiadau tir o'r rhestr o drethi.</p> |

|                             |  |  |
|-----------------------------|--|--|
|                             | <p>Annibynnol i gyflawni unrhyw un o'i swyddogaethau.</p> <p>Mae paragraff 9 o'r Atodlen honno yn rhoi pŵer i Drysorlys EF wneud rheoliadau sy'n amrywio effaith treth berthnasol i gael effaith mewn perthynas â chynllun trosglwyddo. Caiff y Trysorlys arfer y pŵer hwnnw i wneud darpariaeth er mwyn i ddarpariaeth dreth fod yn gymwys, neu fod yn gymwys gydag addasiadau, mewn perthynas ag unrhyw beth sy'n cael ei drosglwyddo; neu i unrhyw beth sy'n cael ei drosglwyddo i'w drin mewn ffordd benodol at ddibenion darpariaeth dreth.</p> <p>Mae "treth berthnasol" yn cynnwys treth trafodiadau tir, sy'n dreth ddatganoledig o fewn ystyr Deddf Llywodraeth Cymru 2006.</p> |  |
| <b>Rhan 11 – Olew a Nwy</b> |  |  |

|   |  |  |
|---|--|--|
| <p><b>Diogelu'r Amgylchedd</b></p> <p>Mae'r rhan hon yn rhoi i mewn i gyfraith ddomestig bwerau a oedd yn deillio gynt o Gyfraith yr UE a Deddf 1972, a ddefnyddid er mwyn gwneud Rheoliadau Llongau Masnach (Confensiwn Bod yn Barod am Lygredd Olew, Ymateb Iddo a Chydweithredu mewn Perthynas ag Ef) 1998. Mae'r pwerau'n ehangach ac yn ymdrin hefyd â storio carbon deuocsid a dadlwytho a storio nwy, yn ogystal â chynhyrchu a storio hydrogen.</p> <p>Mae'n galluogi pwerau sylfaenol a fyddai'n sicrhau bod y gyfundrefn rheoleiddio amgylcheddol ar gyfer olew a nwy ar y môr yn parhau'n addas i'r diben drwy ganiatáu i newidiadau gael eu cynnwys drwy gyfrwng is-ddeddfwriaeth yn y dyfodol.</p> | <p><b>Mae angen Memorandwm Cydsyniad Deddfwriaethol ar gyfer cymalau 225 – 226</b></p> <p>Mae <b>cymal 225</b> yn galluogi'r Ysgrifennydd Gwladol i wneud rheoliadau sy'n ei gwneud yn ofynnol i berson sy'n gyfrifol am seilwaith penodedig penodol drefnu bod cynllun brys ar gael er mwyn ymateb i lygredd olew ar y môr.</p> <p>Mae <b>cymal 226</b> yn galluogi'r Ysgrifennydd Gwladol i wneud darpariaeth, drwy reoliadau, sy'n ei gwneud yn ofynnol i'r Ysgrifennydd Gwladol ystyried y goblygiadau i safleoedd perthnasol wrth benderfynu a ddylid cyflawni neu sut i gyflawni swyddogaeth sy'n ymwneud â gweithgareddau olew a nwy ar y môr neu gynhyrchu neu storio nwy ar y môr.</p> <p>Mae'r darpariaethau hyn yn ymwneud â diogelu'r amgylchedd, rheoli llygredd etc. y mae gan y Senedd gymhwysedd</p> | <p>Mae Llywodraeth Cymru yn argymhell peidio â rhoi cydsyniad tra bydd yn ceisio eglurhad ynglŷn â sut y mae hyn rhyngweithio â'r systemau presennol ar gyfer hysbysu am lygredd ar y môr ac ymateb i'r digwyddiadau hynny.</p> <p>Byddwn yn cadarnhau'n cyngor terfynol pan fydd y trafodaethau gyda Llywodraeth y DU wedi dod i ben.</p> |
|---|--|--|

|  |   |  |
|--|---|--|
|  | yn eu cylch. Nid ydynt yn ymwneud ag unrhyw fater a gedwir yn ôl yn Atodlen 7A i Ddeddf Llywodraeth Cymru 2006. |  |
|--|---|--|

|  |   |   |
|--|---|---|
| <p><b>Datgomisiynu olew a nwy ar y môr: cynlluniau codi tâl</b></p> <p>Mae'n creu pwerau i sefydlu cynllun codi tâl er mwyn adennill costau sy'n gysylltiedig â swyddogaethau rheoleiddiol sy'n gysylltiedig â datgomisiynu seilwaith olew a nwy a storio carbon ar y môr.</p> | <p><b>Mae angen Memorandwm Cydsyniad Deddfwriaethol ar gyfer cymal 227</b></p> <p>Mae cymal 227 yn diwygio Deddf Petrolwim 1998 ac yn gwneud diwygiadau canlyniadol mewn manau eraill i alluogi'r Ysgrifennydd Gwladol i wneud cynllun sy'n darparu ar gyfer taliadau i'r Ysgrifennydd Gwladol mewn cysylltiad ag arfer swyddogaethau'r Ysgrifennydd Gwladol o dan Ran 4 o'r Ddeddf honno.</p> <p>Mae Rhan 4 o'r Ddeddf honno'n ymwneud â chefnu ar osodiadau alltraeth a phiblinellau tanfor a'u datgomisiynu.</p> <p>At ei gilydd, mae gosodiadau alltraeth a phiblinellau tanfor (a ddiffinnir yn adran 44 o'r Ddeddf honno) yn osodiadau a phiblinellau sy'n gysylltiedig â throsglwyddo, etc. nwy (gan gynnwys carbon deuocsid) ac olew o fewn paramedrau daearyddol penodol ar y môr.</p> | <p>Mae Llywodraeth Cymru yn argymhell peidio â rhoi cydsyniad tra bydd yn ceisio eglurhad ynghylch i ba raddau y byddai'r ddarpariaeth yn gymwys yn nyfroedd tiriogaethol Cymru.</p> <p>Byddwn yn cadarnhau'n cyngor terfynol pan fydd y trafodaethau hynny wedi dod i ben.</p> |
|--|---|---|

|   |  |   |
|---|--|---|
|   | <p>Mae Llywodraeth Cymru o'r farn bod angen Memorandwm Cydsyniad Deddfwriaethol i'r graddau y mae'n ymwneud â charbon,. Mae gan y Senedd gymhwysedd mewn perthynas â diogelu'r amgylchedd a gwastraff, sy'n cynnwys mesurau datgarboneiddio fel cludo a storio carbon deuocsid.</p>                        |   |
| <b>Rhan 13 – Cyffredinol</b>  |  |   |
| <p>Mae cymal 238 yn rhoi pwerau i'r Ysgrifennydd Gwladol wneud rheoliadau mewn cysylltiad â'r Ddeddf neu mewn cysylltiad ag unrhyw ddarpariaethau a wneir o dan y Ddeddf.</p> <p>Mae'r pŵer yn cynnwys y pŵer i ddiwygio, diddymu neu ddirymu Deddfau neu Fesurau Senedd Cymru.</p> | <p><b>Mae angen Memorandwm Cydsyniad Deddfwriaethol ar gyfer cymal 238</b></p> <p>Mae cymal 238 yn rhoi pwerau eang i'r Ysgrifennydd Gwladol wneud rheoliadau ac, i'r graddau y mae darpariaethau'r Bil yn ymwneud â materion datganoledig, mae'r pŵer hwnnw hefyd yn ymwneud â materion datganoledig.</p> | <p>Mae Llywodraeth Cymru yn argymhell peidio â rhoi cydsyniad.</p> <p>Mae Llywodraeth Cymru am weld gofyniad yn cael ei gyflwyno lle y bydd yn ofynnol i'r Ysgrifennydd Gwladol gael cydsyniad Gweinidogion Cymru ar gyfer rheoliadau sy'n ymwneud â materion datganoledig.</p> |



## Barn Llywodraeth y DU ar yr angen am gydsyniad

19) Mae Llywodraeth y DU yn cytuno bod angen cydsyniad. Yn benodol, mae Llywodraeth y DU wedi dod i'r casgliadau isod:

- a) Ar gyfer Rhan 1, sy'n ymdrin â Thrwyddedu Cludo a Storio Carbon Deuocsid, mae darpariaethau ar draws y Rhan honno'n sbarduno'r broses Memorandwm Cydsyniad Deddfwriaethol. Fodd bynnag, mae rhai o'r darpariaethau'n ymwneud â materion a gadwyd yn ôl, yn enwedig y rheini sy'n ymdrin â swyddogaethau o dan y gyfraith ar gystadleuaeth, a phrosesau ansolfedd.
- b) Ar gyfer Rhan 2, sy'n ymdrin â Dal, Storio etc. Carbon Deuocsid a Chynhyrchu Hydrogen, mae darpariaethau ar draws y Rhan honno'n sbarduno'r broses Memorandwm Cydsyniad Deddfwriaethol i'r graddau y mae dal carbon a chludo a storio CO<sub>2</sub> yn faterion sydd, at ei gilydd, o fewn cymhwysedd datganoledig. Fodd bynnag, maent wedi dod i'r casgliad bod darpariaethau mewn perthynas â hydrogen yn rhai a gadwyd yn ôl yn rhinwedd D2 Olew a Nwy yn Neddf Llywodraeth Cymru 2006 a'u bod felly y tu allan i gymhwysedd datganoledig. Pan fo cymalau'n ymwneud â'r ardoll hydrogen a'i gweinyddu, mae Llywodraeth y DU o'r farn bod darpariaeth o'r fath yn fater a gadwyd yn ôl am ei fod yn ymwneud â threth yn unol â mater A1 a gadwyd yn ôl, ac nad yw'r broses Memorandwm Cydsyniad Deddfwriaethol yn cael ei sbarduno. Yn yr un modd, mae'r ddarpariaeth o ran bod yr Ysgrifennydd Gwladol yn dynodi strategaeth a datganiad polisi ar ddal, defnyddio a storio carbon y tu allan i gymhwysedd datganoledig oherwydd ei fod yn ymwneud â pholisi ar gyfer y Deyrnas Unedig.
- c) Ar gyfer Rhan 3, sy'n ymdrin â Thechnoleg Newydd, mae'r broses Memorandwm Cydsyniad Deddfwriaethol yn cael ei sbarduno yng Nghymru oherwydd bod cynlluniau sy'n cynnig cymhellion i greu neu gynhyrchu gwres neu i oeri, neu i hwyluso creu neu gynhyrchu gwres neu i oeri, gan ddefnyddio ffynonellau ynni heblaw tanwydd ffosil neu danwydd niwclear yn eithriad i'r mater sy'n ymwneud â pholisi gwres a gadwyd yn ôl yn Neddf Llywodraeth Cymru 2006.
- d) Ar gyfer Rhan 7, sy'n ymdrin â Rhwydweithiau Gwres, mae Llywodraeth y DU wedi barnu bod y broses Memorandwm Cydsyniad Deddfwriaethol yn cael ei sbarduno oherwydd bod hawliau a phwerau penodol a roddir drwy'r gyfundrefn drwyddedu arfaethedig yn dod o fewn cwmpas cymhwysedd datganoledig i'r graddau y maent yn ymwneud â chynllunio ac ar y sail nad ydynt yn dod o fewn y mater sy'n ymwneud â chynllunio a gadwyd yn ôl yn Neddf Llywodraeth Cymru 2006.
- e) Ar gyfer Rhan 11, sy'n ymdrin ag Olew a Nwy, bydd y broses Memorandwm Cydsyniad Deddfwriaethol yn cael ei sbarduno am y

rhesymau a ganlyn. O ran trefniadau ar gyfer ymateb i lygredd olew ar y môr (cymal 225) a lleihau effeithiau gweithgareddau olew neu nwy ar y môr (cymal 226), bydd y broses Memorandwm Cydsyniad Deddfwriaethol yn cael ei sbarduno oherwydd bod y sefyllfa o ran cymhwysedd deddfwriaethol mewn perthynas â'r moroedd tiriogaethol sy'n cyffinio â Chymru yn amrywio gan ddibynnu ar y gweithgarwch sydd o dan sylw. O ran datgomisiynu gosodiadau storio olew a nwy a charbon deuocsid ar y môr – adennill costau (cymal 227), mae'r broses Memorandwm Cydsyniad Deddfwriaethol yn cael ei sbarduno o fewn y moroedd tiriogaethol oherwydd bod y sefyllfa o ran cymhwysedd deddfwriaethol yn amrywio gan ddibynnu ar y gweithgarwch sydd o dan sylw, gydag olew a nwy yn faterion a gadwyd yn ôl a storio CO2 yn fater a ddatganolwyd.

### **Safbwynt Llywodraeth Cymru ar y Bil Ynni**

- 20) Yn fy marn i, mae'n briodol ymdrin â'r darpariaethau yn y Bil hwn ar lefel y DU oherwydd ei bod yn ffordd effeithlon o gyflwyno deddfwriaeth sy'n rhychwantu Cymru, yn enwedig pan fo'r polisïau, yn gyffredinol, yn gydnaws â'i gilydd. Mae nifer o gynlluniau neu gyfundrefnau yn rhai y mae'n fwy priodol eu cyflwyno ar lefel y DU gyfan, o ystyried natur diriogaethol drawsffiniol y gweithgareddau sy'n cael eu rheoleiddio.
- 21) Mae polisi ynni yn gyfuniad cymhleth o faterion a gadwyd yn ôl a materion a ddatganolwyd, ac mae'r Bil Ynni yn ffordd gydlynol o gyrraedd y nod yn y maes hwn.
- 22) Wedi dweud hynny, mae nifer mawr o faterion yn peri pryder ac yn rhai y bydd angen eu datrys ar fyrder cyn y gellir argymell rhoi cydsyniad. Y prif beth sy'n peri pryder i mi yw'r methiant i adlewyrchu'r setliad datganoli yn ddigonol, yn enwedig rôl Gweinidogion Cymru fel y rhai sy'n gwneud penderfyniadau mewn meysydd lle datganolwyd cymhwysedd. Mae'n hanfodol sicrhau bod Gweinidogion Cymru yn gallu dylanwadu ar gynlluniau neu bolisïau ar lefel y DU gyfan sy'n effeithio ar brosiectau trawsffiniol sylweddol. Mae nifer o welliannau eraill yn cael eu hawgrymu, fel yr amlinellir yn y tabl ym mharagraff 15.

### **Goblygiadau ariannol**

- 23) Mae'n bosibl y bydd rhai goblygiadau ariannol i Lywodraeth Cymru y gall fod angen eu hystyried. Pe bai'r Bil yn cyflwyno unrhyw bwerau newydd a fyddai'n cael eu gweinyddu gan Weinidogion Cymru, byddai angen gofyn i Lywodraeth y DU am sicrwydd y byddai'n darparu'r adnoddau cyfatebol.

## **Casgliad**

- 24) Er y gallai cyflawni'r darpariaethau hyn mewn Bil ar lefel y DU fod yn ffordd briodol o ddeddfu, oni bai a hyd nes y caiff y materion sy'n peri pryder eu datrys, nid wyf yn argymhell bod y Senedd yn rhoi ei chydysyniad i'r Bil hwn.

**Julie James AS**  
**Y Gweinidog Newid Hinsawdd**  
**29 Mehefin 2023**